

漕使部名臣列传一

汉

萧何

按史记萧相国世家汉二年汉王与诸侯击楚何守关中侍太子治栎阳为法令约束立宗庙社稷宫室县邑辄奏上可许以从事即不及奏上口以便宜施行上来以闻关中事计户口转漕给军汉王数失军遁去何常兴关中卒辄补缺上以此专属任何关中事汉三年汉王与项羽相距京索之间上数使使劳苦丞相鲍生谓丞相曰王暴衣露盖数使使劳苦君者有疑君心也为君计莫若遣君子孙昆弟能胜兵者悉诣军所上必益信君于是何从其计汉王大说汉五年既杀项羽定天下论功行封群臣争功岁余功不决高祖以萧何功最盛封为酈侯所食邑多功臣皆曰臣等身被坚执锐多者百余战少者数十合攻城略地大小各有差今萧何未尝有汗马之劳徒持文墨议论不战顾反居臣等上何也高祖曰诸君知猎乎曰知之知猎狗乎曰知之高帝曰夫猎追杀兽兔者狗也而发踪指示兽处者人也今诸君徒能得走兽耳功狗也至如萧何发踪指示功人也且诸君独以身随我多者两三人今萧何举宗数十人皆随我功不可忘也群臣皆莫敢言列侯毕已受封及奏位次皆曰平阳侯曹参身被七十创攻城略地功最多宜第一上已挠功臣多封萧何至位次未有以复难之然心欲何第一关内侯鄂君进曰群臣议皆误夫曹参虽有野战略地之功此特一时之事夫上与楚相距五岁常失军亡众逃身遁者数矣然萧何当从关中遣军补其处非上所诏令召而数万众会上之乏绝者数矣夫汉与楚相守荥阳数年军无见粮萧何转漕关中给食不乏陛下虽数亡山东萧何常全关中以待陛下此万世之功也今虽亡曹参等百数何缺于汉汉得之不必待以全奈何欲以一旦之功而加万世之功哉萧何第一曹参次之高祖曰善于是乃令萧何赐带剑履上殿入朝不趋

宋一

王明

按宋史本传明字如海大名成安人历迁荆湖转运使开宝三年大举南征以明为随军转运使山路险绝舟车不通但以丁壮数万人转递供亿不阙每下一郡一城必先保其簿书守其仓库既而贺州未下明入与主帅计曰当急取之恐援兵至则我师胜负未可知诸将颇犹豫明乃擐甲胄率所部护送輜重卒百人拥丁夫数千畚鍤皆作堙其堑直抵城门城中惧开门纳款遂据有之因抵广州贼众十余万拒战是夕大风发屋折木众乃惊惧明与都部署潘美等谋命丁夫数千人人持二炬间道先捣贼垒大军蓐食阵以待之俄而万炬皆发焚其栅贼惊果来犯大军因迎击之贼大败斩首数万刘鋹以城降广州平为本道转运使太祖嘉其功擢授秘书少监领韶州刺史充转运使俄以潘美尹崇珂为岭南转运使以明为副使明口历部内视民疾苦旧无名科敛悉条奏除之岭表遂安七年代归帝召见劳问赐袭衣金带鞍勒马

刘蟠

按宋史本传蟠字士龙滨州渤海人汉干佑二年举进士解褐益都主簿宋初历安远军及河阳节度推官保义军掌书记干德五年召拜监察御史典染院事初苏晓掌京城市征颇干集及卒选蟠代之冬命为太宗生辰使开宝七年与殿中丞刘德言同知淮南诸州转运事太平兴国初就迁仓部员外郎改转运使岁漕江东米四百万斛以给京师颇为称职秩满部内僧道乞留诏许再任赐金紫改驾部员外郎八年丁内艰时以诸州纲运留滞起复知京城陆路发运司事会河决韩村大发丁夫塞之命蟠调给其饷未几河塞朝廷方议封禅以蟠为东封水陆计度转运使会诏罢其礼俄迁工部郎中充河北水陆转运使改刑部郎中就充水陆转运使入判本部事籍田毕迁左谏议大夫淳化初兼同考京朝官差遣二

年暴中风眩上遣太医视之赐以金丹卒年七十三
赐钱十万给其丧事

杨允恭

按宋史本传允恭汉州绵竹人太宗以缘江多贼命
督江南水运因捕寇党行及临江军择骁卒拿轻舟
伺下江贼所止夜发军城三鼓遇贼百余拒敌久之
悉梟其首又趣通州境上蹶海贼贼系众舟张幕发
劲弩短口允恭兵刃所向多为幕所萦口中允恭左
肩流血及袖容色弥壮徐遣善泅者以绳连铁钩散
掷之坏其幕士卒争进贼赴水死者大半擒数百人
自是江路无剽掠之患以功转洛苑副使江淮两浙
都大发运擘画茶盐捕贼事赐紫袍金带钱五十万
先是三路转运使各领其职或廩庾多积而军士舟
楫不给虽以官钱雇丁男挽舟而土人惮其役以是
岁上供米不过三百万允恭尽籍三路舟卒与所运
物数令诸州择牙吏悉集允恭乃办数授之江浙所
运止于淮泗由淮泗输京师行之一岁上供者六百
万淳化五年转西京作坊使

樊知古

按宋史本传知古字仲师其先京兆长安人曾祖偁
濮州司户参军祖知谕事吴为金坛令父潜事李景
任汉阳石埭二县令因家池州知古尝举进士不第
遂谋北归乃渔钓采石江上数月乘小舟载丝绳维
南岸疾棹抵北岸以度江之广狭开宝三年诣阙上
书言江南可取状以求进用太祖令送学士院赐试
本科及第解褐舒州军事推官尝启于上言老母亲
属数十口在江南恐为李煜所害愿迎至治所即诏
煜令遣之煜方闻命即厚给赍装护送至境上七年
召拜太子右赞善大夫会王师征江表知古为乡导
下池州八年以知古领州事先是州民保险为寇知
古击之连拔二寨擒其魁以献余皆溃散方议南征
命高品石全振往湖南造黄黑龙船以大舰载巨竹
口自荆南而下遣八作使郭守浚算率丁匠营之议
者以为江涛险壮恐不能就乃于石碑口试造之移

至采石三日桥成不差尺寸从知古之请也金陵平擢拜侍御史令乘传按行江南诸州询访利民复命知江东南路转运事数日改授江南转运使赐钱一百万先是江南诸州官市茶十分之八复征其余分然后给符听其所往商人苦之知古请蠲其税仍差增所市之直以便于民江南旧用铁钱十当铜钱之一物价翔踊民不便知古亦奏罢之先是李煜用兵权宜调敛知古悉奏为常额豫章洪氏尝掌升州榷酤逋铁钱数百万至是知古挟微时常辱于洪氏责偿铜钱以快意太宗即位授库部员外郎召归换金紫赐钱百万命为京西北路转运使太平兴国六年加虞部郎中就改知邠州移凤翔府入为盐铁判官出领荆湖转运使雍熙初迁比部郎中会河朔用兵分诸郡为两路以给漕挽迁知古为东路转运使迁驾部郎中赐钱五十万知古本名若水字叔清因召见上问之曰卿名出何书对曰唐尚书右丞倪若水亮直臣窃慕之上笑曰可改名知古知古顿首奉诏倪若水实名若冰知古学浅妄引以对人皆笑之端拱初迁右谏议大夫河北东西路转运使赐白金千两两路各置转运副使都转运使之名自知古始二年诏加河北西路招置营田使奏请修城木五百余万牛革三百万上曰万里长城岂在于此自古匈奴黄河互为中国之患朕自即位以来或疆场无事则有修筑圩堤之役近者边烽稍警则黄河安流无害此盖天意更迭垂戒常令惕励然而预备不虞古之善教深沟高垒亦王公设险之义也所请过当不亦重困吾民乎乃诏有司量以官物给之会度支使李惟清上言河北军储无备请发河南十七军州转粟以赴太宗谓农事方殷岂可更兴此役惟清固以为请上遣正言冯拯乘传与知古计之知古即言河北军储可以均济足俟农隙令民转饷拯复命太宗曰不细筹之则民果受弊矣未几入朝奏事称旨拜给事中俄为户部使知古有才力累任转运使甚得时誉及在户部频以职事不治诏书切责名益减素与

陈恕亲善恕时参知政事太宗言及计司事有乖违者恕具以告后因奏事知古遂自解上问从何得知曰陈恕告臣上怒恕泄禁中语且嫉知古轻脱故两罢之出知古知梓州未至改西川转运使知古自以尝任三司使一旦掌漕运口外郁郁不得志尝称足疾未尝按行郡县蜀中富饶罗纨锦绣等物甲天下言事者兢商榷功利又土狭民稠耕种不足给繇是兼并者益余贱贩贵以规利淳化中青城县民王小波聚众为乱谓其众曰吾疾贫富不均今为汝辈均之附者益众遂攻陷青城县掠彭山杀其令齐元振巡检使张□与斗于江源县射小波中其额旋病创死□亦被杀众遂推小波妻弟李顺为帅初小波党与裁百人州县失于备御故所在□起至万余人攻蜀州杀监军王亮及官吏十余人陷□州害知州桑保绅通判王从式及诸僚吏逐都巡检使郭允能允能率麾下与战新津江口为贼所杀同巡检殿直毛俨徒步以身免贼势益张众至数万人陷永康军双流新津温江郫县纵火大掠留其党守之往攻成都烧西部门不利引去陷汉州彭州旋陷成都时已诏知梓州右谏议大夫张雍代知古为转运使雍未至知古与知府郭载及属官走东川诏复令掌两川漕运知古具伏擅离所部制置无状上特宥之以本官出知均州视事旬日忧悸卒年五十二上犹嗟悯赐其子汉公同学究出身知古明俊有吏干辞辨捷给及在西川不能弭盗而逃虽获宥终以惭死云

任中正

按宋史本传中正字庆之曹州济阴人父载右拾遗中正进士及第为池州推官历大理评事通判邵州改大府寺丞通判濮州以翰林学士钱若水荐迁秘书省著作佐郎通判大名府转运使陈纬徙陕西举中正自代太宗曰朕自知之召为秘书丞江南转运副使中正躯干颀长帝择大笏命内臣取绯衣之长者赐之至部岁大稔民出租赋平余皆盈羨发运使王子與欲悉调饷京师中正曰东南岁输五百余万

而江南所出过半今岁有余或岁少歉则数不登患及吾民矣乃止擢监察御史两浙转运使民饥中正不俟诏发官廩赈之按晋州盛梁狱论如法迁殿中侍御史判三司凭由司既而有与梁善者密中之出为荆湖转运使

李防

按宋史本传防字智周大名内黄人举进士为莫州军事推官随曹彬入契丹授忠武军节度推官括磁相二州逃户田增租赋十余万因请均定田税又请县有破逃五十户者令佐降下考百户殿三选二百户停所居官能招携者旌赏之改秘书省著作佐郎通判潞州迁秘书丞体量二浙民饥建言逃户田宜即召人耕种使人不敢轻去畊亩而官赋常在又请京师置折中仓听人入粟以江浙荆湖物偿之擢开封府推官请与判官间三五日即府司军巡院察口狱出为陕路转运副使先是沿江水递岁役民丁甚众颇废农作防悉以城卒代之会分川陕为四路徙防梓州路转运使累迁尚书工部员外郎为三司户部判官景德初江南旱诏与张知白分东西路安抚上言秦羲尝增江淮两浙荆湖榷酤钱民颇烦扰江南以岁饥权罢而淮南荆湖未被德音诏悉罢之仍诏羲等毋得复增榷酤之利遂为江南转运淮南旧不禁盐制置司请禁盐而官自鬻之使兵夫辇载江上且多漂失之患防请令商人入钱帛京师或输刍粮西北边而给以盐则公私皆利后采用之徙知应天府凿府西障口为斗门泄汴水淤旁田数百亩民甚利之又徙兴元府入为三司盐铁判官失举免官后起通判河南府徙知宿延亳三州为利州路转运使迁兵部郎中纠察刑狱擢右谏议大夫知永兴军进给事中复知延州更耀潞二州卒防好建明利害所至必有论奏朝廷颇施行之其精力过人防在江南晏殊以童子谒见防命赋诗使还荐之后至宰相

范正辞

按宋史本传正辞字直道齐州人父劳谦获嘉令正

辞治春秋公羊谷梁登第调补安阳主簿开宝中判入等迁国子监丞知戎州改著作佐郎代还治逋欠于淄州转运使称其能转左赞善大夫就知淄州太宗征河东诸州部粮多不及期正辞所部长山县吏张秀督民输受钱二千即杖杀之郡中畏服太平兴国中改殿中丞通判棣深二州迁国子博士御史中丞刘保勋奏充台直会有言饶州多滞讼选正辞知州事至则宿系皆决遣之胥吏坐淹狱停职者六十三人会诏令料州兵送京师有王兴者怀土惮行以刃故伤其足正辞斩之兴妻诣登闻上诉太宗召见正辞廷辨其事正辞曰东南诸郡饶实繁盛人心易动兴敢扇摇苟失控驭则臣无待罪之地矣上壮其敢断特迁膳部员外郎充江南转运副使赐钱五十万饶州民甘绍者积财巨万为群盗所掠州捕系十四人狱具当死正辞按部至引问之囚皆泣下察其非实命徙他所讯鞫既而民有告群盗所在者正辞潜召监军王愿掩捕之愿未至盗遁去正辞即单骑出郭二十里追及之贼控弦持刃来逼正辞大呼以鞭击之中贼双目执之贼自刃不殊余贼渡江散走追之不获旁得所弃赃贼尚有余息正辞即载归令医傅药创既愈按其奸状伏法而前十四人皆得释端拱二年代归与洛苑副使綦仁择西京作坊副使尹宗谔同监折中仓先是令商人输米豆而以茶盐酬其直谓之折中复有言其弊罢之至是复置焉迁仓部员外郎同知幕府州县官考课改判刑部历户部盐铁二判官迁考功员外郎通判定扬杭三州真宗即位迁膳部郎中召判三司勾院俄复为盐铁判官咸平二年出为河东转运使三年以本官兼侍御史知杂事时李昌龄自忠武行军起知梓州董俨知寿州王德裔杨缵皆任转运使后失官宰畿邑正辞上言昌龄辈贪墨着闻愿陛下罢其民政诏追还俨敕余悉代之又言治民之官牧宰为急举吴奋等五人堪任大郡复请令奋等各举知县县令从之坐鞫任懿狱贬滁州团练副使会赦复为仓部考功员外

郎通判郢州知淮阳军复膳部郎中以年老求监兖州商税大中祥符三年四月卒年七十五子识讽并进士及第

胡则

按宋史本传则字子正婺州永康人果敢有材气以进士起家补许田县尉再调宪州录事参军时灵夏用兵转运使索湘命则部送刍粮为一月计则曰为百日备尚恐不支奈何为一月耶湘惧无以给遣则遂入奏太宗因问以边策对称旨顾左右曰州县岂乏人命记姓名中书后李继隆讨贼久不解湘语则曰微子几败我事一日继隆移文转运司曰兵且深入粮有继乎则告湘曰彼师老将归欲以粮乏为辞耳姑以有余报之已而果为则所料湘为河北转运使奏改秘书省著作佐郎签书贝州观察判官事后以太常博士提举两浙榷茶就知睦州徙温州岁余提举江南路银铜场铸钱监得吏所匿铜数万斤吏惧且死则曰马伏波哀重囚而纵之吾岂重货而轻数人之生乎籍为羨余不之罪改江淮制置发运使累迁尚书户部员外郎真宗幸亳还擢三司度支副使初丁谓举进士客许田则厚遇之谓既贵显故则骤进用至是谓罢政事出则为京西转运使迁礼部郎中部内民讹言相惊至遣使安抚乃定坐是徙广西路转运使有番舶遭风至琼州且告食乏不能去则命贷钱三百万吏白夷人狡诈又风波不可期则曰彼以急难投我可拒而不与邪已而偿所贷如期又按宜州重辟十九人为辨活者九人复为发运使累迁太常少卿干宁初坐丁谓党降知信州徙福州以右谏议大夫知杭州入权吏部流内铨坐失举复为太常少卿知池州未行复谏议大夫知永兴军徙河北都转运使以给事中权三司使通京东西陕西盐法人便之初则在河北殿中侍御史王沿尝就则假官舟贩盐又以其子为名祈买酒场至是张宗诲摘发之按验得实出则知陈州逾月授工部侍郎集贤院学士刘随上疏言则奸邪贪滥闻天下比命知

池州不肯行今以罪去骤加美职何以风劝在位后徙杭州再迁兵部侍郎致仕卒则无廉名喜交结尚风义丁谓贬崖州宾客随散落独则间遣人至海上馈问如平日在福州时前守陈绛尝延蜀人龙昌期为众人讲易得钱十万绛既坐罪遂自成都械昌期至则破械馆以宾礼出俸钱为偿之昌期者尝注易诗书论语孝经阴符经老子其说诡诞穿凿至诋斥周公初用荐者补国子四门助教文彦博守成都召置府学奏改秘书省校书郎后以殿中丞致仕着书百余卷嘉佑中诏取其书昌期时年八十余野服自诣京师赐绯鱼绢百匹欧阳修言其异端害道不当推奖夺所赐服罢归卒

李仕衡

按宋史本传仕衡字天钧秦州成纪人后家京兆府进士及第调郿县主簿田重进守京兆命仕衡鞫死囚五人活者四人重进即其家谓曰子有阴施此门当高大之徙知彭山县就加大理评事迁光禄寺丞父益以不法诛仕衡亦坐除名后会赦寇准荐其材尽复其官领渭桥辇运通判邠州再迁秘书丞徙知剑州王均反仕衡度州兵不足守即弃城焚刍粟辇金帛东守剑门既而贼陷汉州攻剑州州空无所资即趋剑门仕衡预招贼众得千余人待之不疑贼将至与钤辖裴臻迎击之斩首数千级乃乘驿入奏擢尚书度支员外郎赐服绯鱼已而使者言仕衡尝弃城降监虔州税召还判三司盐铁勾院度支使梁鼎言商人入粟于边率高其直而售以解盐商利益博国用日耗请调丁夫转粟而辇盐诸州官自鬻之岁可得缗钱三十万仕衡曰安边无大于息民今不得已而调敛之又增以转粟挽盐之役欲其不困何可得哉不听遂行鼎议而关中大扰乃罢鼎度支使以仕衡为荆湖北路转运使徙陕西初岁出内帑缗钱三十万助陕西军费仕衡言岁计可自办遂罢给真宗谒陵寝因幸洛仕衡献粟五十万斛又以三十万斛馈京西朝廷以为材召为度支副使上言关右既

弛盐禁而永兴同华耀四州犹率卖盐年额钱请减十之四诏悉除之累迁司封郎中为河北转运使又奏罢内帑所助缗钱百万建言河北岁给诸军帛七十万而民艰于得钱悉预假于里豪出倍偿之息以是工机之利愈薄方春民不足请户给钱至夏输帛则民获利而官用足矣诏优其直仍推其法于天下封泰山献钱帛刍粮各十万见于行宫迁右谏议大夫祀汾阴又助钱帛三十万乃命同林特提举西京陕西转运事权知永兴军进给事中逾月以枢密院直学士知益州顷之河北阙军储议者以谓仕衡前过助封祀费真宗闻之以为河北都转运使驾如亳州又贡丝绵缣帛各二十万后集粟塞下至巨万斛或言粟腐不可食朝廷遣使取视之而粟不腐也棣州污下苦水患仕衡奏徙州西北七十里既而大水没故城丈余南郊复进钱帛八十万先是每有大礼仕衡必以所部供军物为贡言者以为不实仕衡乃条析进六十万皆上供者二十万即其羡余帝不之罪谓王旦曰仕衡应猝有材人欲以此中之然朝廷所须随大小即办亦其所长也明年旱蝗发积粟赈民又移五万斛济京西迁尚书工部侍郎权知天雄军民有盗瓜伤主者法当死仕衡以岁饥奏贷之盗起淄青间迁刑部侍郎知青州前守捕群盗妻子置棘围中仕衡至悉纵罢之使去未几其徒有梟贼首至者入为三司使帝作宽财利论以赐之乃更陕西入粟法使民得受钱与茶旧市羊及木责吏送京师而羊多道死木至湍险处往往漂失吏至破产不能偿仕衡乃许吏私附羊免其算使得补死者听民自采木输官用入粟法偿其直迁吏部侍郎仁宗即位拜尚书左丞以足疾改同州观察使知陈州州大水筑大堤以障水患徙颍州复知陈州曹利用仕衡口也利用被罪降仕衡左龙武军大将军分司西京岁余改左卫大将军卒其后诸子诉其父有劳于国非意左迁诏追复同州观察使仕衡前后管计事二十年虽才智过人然素贫家货至累巨万建大第长安

里中严若官府子丕绪

曹□叔

按宋史本传□叔字秀之亳州谯人初名熙尝梦之官府见□叔名遂更名□叔进士及第历威胜军判官渭州军事推官御史中丞蔡齐荐为台主簿改大理寺丞韩亿知亳州辟金书节度判官事通判仪州韩琦文彦博荐其才徙夔州路转运判官夔峡尚淫祠人有疾不事医而专事神□叔悉禁绝之乃教以医药提点陕西路刑狱夏人纳款诏与户部副使夏安期转运使柳灏减戍卒吏员之冗者为开封府判官时御史宋禧鞫卫士狱于内侍省禧不能辨及狱具内侍使禧自为牒□叔言禧为制使辱命请置之法元昊死为夏国祭奠使除直史馆知凤翔府徙益州路转运使权度支副使侂智高寇岭南朝议以闽中久弛兵备擢天章阁待制知福州累迁右司郎中为陕西都转运使自庆历铸大铁钱行陕西民盗铸不已三司上榷铁之议□叔曰铁钱轻而货重不可久行况官自榷铁乎请罢铸诸郡铁钱以三铁钱当铜钱之一从之两川和买绢给陕西兵而蜀人苦于烦敛□叔为岁出本路缗钱五十万以易军衣之余者两川之民始无扰焉进龙图阁直学士知永兴军然年老渐昏耄事颇壅积人或嘲诮之卒于官

张存

按宋史本传存字诚之冀州人举进士为安肃军判官天禧中诏铨司以身言书判取士才得二人存预其选改著作佐郎知大名府朝城县寇准为守异待之御史中丞王曙屡荐为殿中侍御史迁侍御史仁宗初亲政罢百官转对存请复之又言前者曹修古辈同忤旨废黜布衣林献可因上封事窜恶地恐自今忠直之言与夫理乱安危之机蔽而不达因历引周昌朱云辛庆忌辛毗事以开帝意历京东陕西河北转运使户部度支副使西边动兵以天章阁待制为陕西都转运使黄德和之诬刘平也存奏言平与敌接战自辰至暮杀伤相当因德和引却以致溃败

方贼势甚张非平搏战其势必不沮延州孤垒非平解围其城必不守身既陷没而不幸又为谗狡所困边臣自此无复死节矣朝廷采其说始遣文彦博按治由是平得直而德和诛元昊求款附议者犹执攻讨之策存建言兵役不息生民疲弊敌既有悛心虽名号未正颇羁縻之迁龙图阁直学士知延州以母老惮行徙泽州还为待制逾年知成德军复学士契丹与元昊结婚阴谋相首尾聚兵塞上而求关南存言河北城久不治宜留意乃以为都运使尽城诸州入知开封府复使河北王则反坐失察降知汀州存□李之弟李教因醉为妖言事觉自缢死或言教不死在贝州父母私属以存故得免御史案验无状犹夺职知池州又徙郴久之乃复职以吏部侍郎致仕凡十五年积迁礼部尚书存性孝友尝为蜀郡得奇缁文锦以归悉布于堂上恣兄弟择取常曰兄弟手足也妻妾外舍人耳奈何先外人而后手足乎收恤宗属嫁聘穷嫠不使一人失所家居矜庄子孙非正衣冠不见与宾友燕接垂足危坐终日未尝倾倚枣强河决势逼冀城或劝使他徙曰吾家众所望也苟轻举动使一州吏民何以自安讫不徙卒年八十八谥恭安

王鼎

按宋史王沿传沿子鼎字鼎臣以进士第累迁太常博士王尧臣领三司举勾当公事数上书论时政得失时天子患吏治多弛监司不举职而范仲淹等方执政择诸路使者令按举不法以鼎提点江东刑狱与转运使杨紘判官王绰竞擿发吏至微隐罪无所贷于是所部官吏怨之目为三虎仁宗闻之不说后傅惟几奉使江东戒以毋效三虎为也仲淹等罢鼎与紘绰皆为人所言时鼎提点两浙刑狱降知深州王则以贝州反深卒庞旦以其徒谋以元日杀军校劫库兵应之前一日有告者鼎夜出檄遣军校摄事外邑而阴为之备翌日会僚吏置酒如常叛党愕不敢动鼎刺得实徐捕首谋十八人送狱狱具候转运

使至审决未至军中恟恟谋劫囚鼎因谓僚吏曰吾不以累诸君独命取囚桀骜者数人斩于市众皆失色一郡帖然转运使至囚未决者半讯之皆伏诛明年河北大饥人相食鼎经营赈救颇尽力徙建州其俗生子多不举鼎为条教禁止时盗贩茶盐者众一切杖遣之监司数以为言鼎弗为变徙提点河北刑狱治奸赃益急所劾举不避贵势召为开封府判官改盐铁判官累迁司封员外郎淮南两浙荆湖制置发运副使内侍杨永德奏请沿汴置铺挽漕舟岁可省卒六万鼎议以为不可永德横猾执政重违其奏乃命三司判官一员将永德就鼎议发八难永德不能复鼎因疏言陛下幸察用臣不宜过听小人妄有所改以误国计于是永德言不用居二年遂以为使前使者多渔市南物因奏计京师持遗权贵鼎一无所市独悉意精吏事事无大小必出于己凡调发纲吏度漕路远近定先后为成法于是劳逸均吏不能为重轻官舟禁私载舟兵无以自给则尽盗官米为奸有能居贩自贍者市人持以法不肯偿所逋鼎为移州县督偿之舟人有以自给不为奸而所运米未尝不足也入为三司盐铁副使数与包拯争议不少屈拯素强然无如之何迁刑部郎中天章阁待制河北都转运使徙使河东卒鼎性廉不欺尝任其子族人欲增年以图速仕鼎不可父死分诸子以财鼎悉推与其弟尝知临邛县转运使选摄新繁新繁多职田斗粟不以自入奉使契丹得千缣散之族人一日尽所至不扰唯市饮食日用物增直以偿事继母孝教育孤侄甚至自奉养俭约当官明敏强直不可挠所荐士多知名有终身不识者然性猜忌其行部至于药餌皆手自口鑄至潞州八义馆疾作不知人事左右遑遽发药奁悉无题识莫敢进以迄于卒初鼎与弟豫皆有才气好上书言事仁宗称之为豫孟浪鼎所言多可用豫为人不事羁检以大理寺丞知伊阙县有异政弃官浮游江湖间殖货自给以卒

魏瓘

按宋史本传瓘字用之父羽奏补秘书省校书郎监广积仓知开封府仓曹参军持法精审明吏事上元起彩山阙前张灯与宦者护作宦者挟气视瓘年少辄诛索侵扰瓘密以闻诏杖宦者遣之瓘门人魏纲上疏诋天书流海岛瓘亦坐是停官复监邓州税鄂州茶以大理寺丞知衡山县通判寿州历知循随安州提点广南西路刑狱邕州獠户缘逋负没妇女为佣者一千余人悉奏还其家就除转运使刘鋹时计口以税虽舟居皆不免至是而雷化钦廉高州犹未除瓘为除之减柳州无名役四百人召权度支判官寻以罪降知洪州徙梓州路转运使还知蔡州潭州为京西转运使江淮制置发运使自主客郎中迁太常少卿知广州筑州城环五里疏东北门凿东西澳为水闸以时启闭焉拜右谏议大夫再任临江军判官史沆性险诋尝为瓘所劾免会广州封送贡余椰子煎等饷京师辄邀留之飞奏指以为珍货诏遣内侍发验无有沆坐不实废瓘亦降知鄂州未逾年复为陕西转运使徙河北以给事中知开封府政事严明吏民惮之内东门索命妇车得赂遗掖庭物付府验治狱未上内降释罪谏官吴奎言法当执奏而瓘不即奏行请以废法论降知越州侂智高寇广东西独广州城坚守不能下于是论筑城功迁工部侍郎集贤院学士复知广州兼广东经略安抚使给禁卒五千听以便宜从事属狄青已破贼召还纠察在京刑狱议者请开六塔河塞商胡北流宰相主其说命瓘按视还奏以为不可塞下溪州蛮彭士羲叛将发兵讨除进龙图阁直学士知荆南瓘以为五溪之险师行鸟道诸将贪功生事于国家何所利因条上三策以招徕为上守御为下攻取为失不报后卒如瓘议徙澶州滑州又徙邓州不行请老以吏部侍郎致仕卒瓘所至整办与人置对未尝屈史沆王逵以善讼名天下瓘既废沆又尝奏抵逵罪专任机数不称循吏

张景宪

按宋史本传景宪字正国河南人以父师德任淮南转运副使山阳令郑昉赃累巨万亲戚多要人景宪首案治流之岭外贪吏望风引去徙京西东转运使王逵居郢专持吏短长求请贿谢如所欲景宪上其恶编置宿州熙宁初为户部副使韩绛筑抚宁罗兀两城帝命景宪往视始受诏即言城不可守固不待到而后知也未几抚宁陷至延安又言罗兀邈然孤城凿井无水将何以守臣在道所见师劳民困之状非一愿罢徒劳之役废无用之城严飭边将为守计令边郡召生羌与之金帛官爵恐黠羌多诈缓急或为内应宜亟止之陕西转运司议欲限半岁令民悉纳钱于官而易以交子景宪言此法行于蜀耳若施之陕西民将无以为命其后卒不可行加集贤殿修撰为河东都转运使议者欲分河东为两路景宪言本道地肥饶相杂州县贫富亦异正宜有无相通分之不便议遂寝改知瀛州上言比岁多不登民债逋欠今方小稔而官督使并偿道路流言其祸乃甚于凶岁愿以宽假帝从之仍下其事元丰初年知河阳时方讨西南蛮景宪入辞因言小丑跳梁殆边吏扰之耳且其巢穴险阻若动兵远征万一馈饷不继则我师坐困矣帝曰卿言是也然朝廷有不得已者明年徙同州以大中大夫卒年七十七景宪在仁宗朝为部使者时吏治尚宽独多深刺及熙宁以来吏治峻急景宪反济以宽方新法之行不劾一人居官不畏强御非公事不及执政之门自负所守于人少许可母卒一夕须发尽白世以此称之

傅求

按宋史本传求字命之考城人进士甲科通判泗州淮水溢毁城朝廷遣中使护筑绝淮取土道远度用兵六十万求相汴堤旁有高埠夷之得土载以回舟省工费殆半徙大名府府守吕夷简委以事夷简入相荐其才擢知宿州提点江西益州刑狱为梓州路转运使夷獠寇合江钤辖司会兵掩击求驰往按所以状乃县吏冒取播州田獠故恐而叛即黥吏置岭

南夷人闻之散去益州文彦博上其状进秩徙陕西
关中行当十铁钱盗铸不可计求请变法时州县已
散二百八十万缗亟下令更为当三民出不意荡产
失业多自经死然盗铸遂止自康定用兵移税输边
民力大困求令输本州而转钱以供边余民受其惠
而兵食亦足召为户部副使陇右蕃酋兰毡献古渭
州地秦州范祥纳之请缮城屯兵又括熟户田诸羌
靳之相率叛夏人欲得渭地又移文来索后帅张升
以祥贪利生事请弃之诏求往视求以为城已讫役
且已得而弃非所以强国威乃诏谕羌众反其田报
夏人以渭非其有不应索正其封疆而还兵遂解进
天章阁待制陕西都转运使加龙图阁直学士知庆
州环之定边寨蕃官苏恩以小过疑惧而遁将佐议
致讨泾原既出师境上求谓恩非素携二者乘以兵
必起边患但遣裨将从十数卒扣其帐开以祸福恩
感泣还寨如初入判太常寺权发遣开封府迁枢密
直学士知定州复以龙图阁学士权开封求本有吏
能干局至是春秋寢高且病曠三司大将钱吉密杀
妹为邻所告求不能决反坐告者又断狱数差失御
史言其不胜任出知兗州卒年七十一

任颢

按宋史本传颢字诚之青州寿光人举进士得同学
究出身至卫尉丞上其文乃赐第擢盐铁判官陕西
铸康定大铜钱颢曰怀五为一以一当十恐犯者众
卒如其言夏人纳款遣使要请十一事甚者欲去臣
称男颢押伴一切晓以义辞折而去又再遣使来欲
自买卖且通青盐增岁赐诏许置榷场其议多颢所
发出为京西转运使奏计京师元昊为下所杀遣杨
守素来告哀守素乃始为元昊谋不称臣纳赐节者
也仁宗记尝屈其使者复使押伴颢问守素其主所
以死不能对讫去不敢肆改知凤翔府帝语辅臣颢
宜备朝廷委任留判三司凭由司为谅祚册礼使采
摭西夏风物山川道里出入攻取之要为治戎精要
三篇上之进直史馆迁河东转运使帝尝以禁帑金

帛赐河北亦欲与河东颺辞曰受委制财用而先有求不敢颺为使者每行部必择僚佐之贤者一人与俱凡事必与议未尝以胥吏自随人安其政入为盐铁副使擢天章阁待制依贼犯岭外以知潭州宣抚司以宣毅卒有功檄补军校颺察其色动曰必有异志执按之具服为贼内应搜其家得所记潭事甚悉梟首以徇诏书褒激赐白金五百两进龙图阁直学士知渭州坐在潭日贱市死商珠降为待制时四路以边警闻渭独无所上朝廷疑斥候不密颺力言无他虞帝使覘之信乃还学士徙徐州以太子宾客致仕积官户部侍郎卒年七十八

王举元

按宋史王化基传化基子举元字懿臣以上文章赐进士出身知潮州江水败堤盗乘间窃发举元夜召里豪计事盗既获乃治堤为河阴发运判官或言大河决将犯京师举元适入对具论地形证其妄已而果然历郡牧户部判官京东转运使沙门岛多流人守吏顾货橐阴杀之举元请立监以较赏罚自是全活者众徙淮南河东夏人来争屈野地举元从数骑度河设幕与之议示以赤心夏人咸服治平中又徙成都邛井盐岁入二百五十万为丹棱卓个所侵积不售下令止之盐登于旧召提举在京修造英宗劳之曰官庐舍害于水仅有存者卿究心公家毋惮其劳俄进盐铁副使拜天章阁待制知沧州改河北都转运使知永兴军庆人夏人屯境上有窥我意举元使二裨将以千骑扼其要害长安遣从事来会兵泾原戒勿轻举大将竇舜卿锐意请行不听举元曰不过三日卤去矣至期果去神宗以细札谕攻守策举元请省官减戍益备去兵勿营亭障舆论不合遂引疾求解徙陈州未行而卒官至给事中年六十二子诏

陈安石

按宋史陈贯传贯子安石字子坚以荫锁厅及第嘉佑中为夔峡转运判官民畜蛊毒杀人捕诛其魁并

得良药图由是遇毒者得不死提点陕西刑狱摄帅
鄜延能用谍者敌动静□先闻尝敕边民戒严既而
数万骑奄至无所获而去玺书嘉之历使京西河东
淮南京东知苏州邠州河中府户部副使韩绛镇太
原议行盐法与监司多不合加安石集贤殿修撰为
河东都转运使议始定谓其僚曰兴事当有渐急则
扰乃出盐付民而俾之券使随所得贸易鬻毕而归
券私贩为减进天章阁待制官军西征时遣县令佐
督饷安石谓文吏畏怯武人邀功乃但取敢行者申
约束以防众溃曰事不豫警俟其犯而诛之是罔民
也王中正帅东师而西报安石持四十日粮而师驻
白草平弥月安石深念曰吾顿兵益久而秦甲未至
倘不足于食将以乏军兴罪我即擅发民再饷乃以
闻李舜举劾其专诏置狱于潞安石自麟州会逮俄
而他路馈粮多不继神宗察其无罪赦之尚书省初
建召为户部侍郎常与右曹李定同奏事帝目留之
曰卿岂非在淮南日不肯保李定持服者乎对曰诏
问臣臣不敢不以实奏帝曰以实事君朕所与也进
吏部侍郎选人将改京官须次久临当引对率困于
刑寺审问或沮以微文则一跌不复安石请罢再问
以绝曩弊遂为后法出知永兴军邓襄陈郑州河阳
至龙图阁直学士绍圣元年卒年八十一

唐义问

按宋史唐介传介子义问字士宣善文辞锁厅试礼
部用举者召试秘阁父介引嫌罢之熙宁中辟京西
转运司管勾文字神宗览本道章奏知义问所为以
其名访辅臣因黄好谦领使事谕之曰唐义问风力
强敏行且用矣可面诏之寻以为司农管当公事方
行手实法所在骚然义问言今造簿甫二岁民不堪
命不宜复改为从曾孝宽使河东还奏事记利害纲
目于笏帝取而熟视之历举以问应析如流帝喜曰
欲见卿非今日也擢湖南转运判官一路敷免役钱
又分户五等储其羨为别赋号家力钱义问奏除之
移使京西文彦博守西都义问求罢去彦博告以再

入相时尝荐其父晚同为执政相得甚欢故义问乃止时陕西大举兵多亡卒所至成聚义问请令诣官自陈给券续食人以为便会有不悦之者免归元佑中起知齐州提点京东刑狱河北转运副使属邑尉因捕盗误遗火盗逸去民家被焚讼尉故纵火郡守执尉抑使服义问辨出之方旱而雨用彦博荐加集贤修撰帅荆南请废渠阳诸寨蛮杨晟秀断之以叛即拜湖北转运使讨降之复寨为州进直龙图阁以集贤殿修撰知广州章惇秉政治弃渠阳罪贬舒州团练副使后七年复故官知颍昌府卒

漕使部汇考

后汉

光武帝建武七年二月辛巳罢护漕都尉官

按后汉书光武帝本纪云云

晋

孝武帝太元六年春正月初置督运御史官

按晋书孝武帝本纪云云

宋

宋承晋制以都水使者兼督漕运

按宋书百官志都水使者一人掌舟航及运部秦汉有都水长丞主陂池灌溉保守河渠属太常汉东京省都水置河堤谒者魏因之汉世水衡都尉主上林苑魏世主天下水军舟船器械晋武帝省水衡置都水使者而河堤为都水官属有参军二人谒者一人令史减置无常员晋西朝有参军而无谒者谒者则江左置也怀帝永嘉六年胡入洛阳都水使者爰浚先出督运得免然则武帝置职便掌运矣江左省河堤

唐

太宗贞观六年置舟□令以掌运漕

按唐书太宗本纪不载 按百官志注贞观六年置舟□署有令一人正八品下掌舟□运漕漕正一人府三人史六人监漕一人漕史一人典事六人掌固八人

元宗开元二十七年以李适之为河北海运使

按唐书元宗本纪不载 按会要开元二十七年十二月以李适之为幽州节度河北海运使

天宝三载以长安令韦坚为水陆运使及江淮租庸转运等使

按唐书元宗本纪不载 按食货志李齐物入为鸿胪卿以长安令韦坚代之兼水陆运使

按册府元龟天宝三载左常侍兼陝州刺史韦坚开漕河自苑西引渭水因通渠至华阴县入渭引永丰仓及三门仓米以给京师名曰广运潭以坚为天下转运使初坚为长安令以干济称天宝元年擢为陝郡太守充水陆运使坚以漕运通于京师岁益巨万乃召水工审地脉于咸阳渭水作兴成堰截灞浐

并渭而东至潼关永丰仓下与渭合遂于苑东望春楼下穿潭以通舟楫既成帝亲幸望春长乐宴群臣坚素备东京船数百艘于潭侧每船皆标榜曰某郡船中悉贮本郡货物连亘数里观者如堵帝甚欢下诏曰万代之利一朝而成将允□于永图岂苟求于纵观韦坚始终检校夙夜勤劳宜特与三品仍改授三品官判官以下节级酬奖所役人夫酬庸外放一年地税赐其潭以广运为名坚加银青光禄大夫左常侍其陝郡太守水陆运使及江淮租庸转运使并如故

肃宗上元二年置丞掌运漕隐失

按唐书肃宗本纪不载 按百官志注上元二年置丞二人正九品下掌运漕隐失

宝应元年始以盐铁转运使刘晏兼漕运

按唐书肃宗本纪不载 按旧唐书食货志宝应元年五月元载以中书侍郎代吕諲是时淮河阻兵飞挽路绝盐铁租赋皆溯汉而上以侍御史穆宁为河南道转运租庸盐铁使寻加户部员外迁鄂州刺史以总东南贡赋是时朝议以寇盗未戢关东漕运宜有倚办遂以通州刺史刘晏为户部侍郎京兆尹度支盐铁转运使盐铁兼漕运自晏始也

德宗建中元年诏停转运租庸使以杜佑权勾当江淮水陆运使

按唐书德宗本纪不载 按旧唐书德宗本纪建中元年春正月甲午诏东都河南江淮山南东道等转运租庸青苗盐铁等使尚书左仆射刘晏顷以兵车未息权立使名久勤元老集我庶务悉心瘁力垂二十年朕以征税多门乡邑雕耗听于群议思有变更将置时和之理宜复有司之制晏所领使宜停三月癸巳以韩洄判度支令郎中杜佑权勾当江淮水陆运使

贞元二年以韩滉为江淮转运使专领诸道转运等使

按唐书德宗本纪不载 按崔造传贞元二年造以给事中同中书门下平章事乃建言天下两税请委本道观察使刺史选官部送京师诸道水陆转运使度支巡院江淮转运使请悉停以度支盐铁务还尚书省六曹皆宰相分领于是齐映判兵部李勉刑部刘滋吏礼二部造户工二部又以户部侍郎元琇判诸道盐铁榷酒事吉中孚度支诸道两税事而浙江东西岁入米七十五万石方岁饥更以两税准米百万濠寿洪潭二十万责韩滉杜亚漕送东渭桥诸道有盐铁处仍置巡院岁尽宰相计最殿以闻造厚元琇故首命之时滉方领转运有宠于帝朝廷仰其须滉持不可改帝重违之复以滉为江淮转运使余如造请是秋江淮米大集帝美滉功以滉专领诸道盐铁转运等使造惧托疾辞位

宋

宋制诸路置发运使副判官掌山泽财货转漕之事而都转运使掌一路财赋

按宋史职官志发运使副判官掌经度山泽财货之源漕淮浙江湖六路储廩以输中都而兼制茶盐泉宝之政及专举刺官吏之事熙宁初辅臣陈升之王安石领制置三司条例建言发运使实总六路之出入宜假以钱货继其用之不给使周知六路之有无

而移用之凡上供之物皆得徙贵就贱用近易远令预知在京仓库之数所当办者得以便宜蓄买以待上令稍收轻重敛散之权归于公上则国用可足民财不匮矣从之既又诏六路转运使弗协力者宜改择且许发运使薛向自辟其属又令举真楚泗守臣及兼提举九路坑冶市舶之事元佑中诏发运使兼制置茶事至崇宁三年始别差官提举茶盐政和二年罢转般仓六路上供米径从本路直达中都发运司所拘纲船均给六路宣和初诏发运司视六路丰歉和余上供乃祖宗旧制曩缘奸吏侵用余本遂坏良法自今每岁加余一百万石同年额输京三年方腊初平江浙诸郡皆未有常赋乃诏陈亨伯以大漕之职经制七路财赋许得移用监司听其按察于是亨伯收民间印契及鬻糟醋之类为钱凡七色是后州县有所谓经制钱自亨伯始六年诏复转般仓命发运判官卢宗原措置寻以靖康之难迄不能复渡江后惟领给降余本收余米斛广行储积以备国用绍兴二年用臣僚言省罢以其职事分委漕臣八年户部复言广余储积之便再置经制发运使以徽猷阁待制程迈充使专掌余事迈上疏以租庸常平盐铁铸各分于诸司而总于户部发运使无所用之固辞不行九年遂废发运司以户部侍郎梁汝嘉为经制使检察中外失钱物与催未到纲运措置余买总领常平为职未几复以臣僚言分其责于逐路监司干道六年复置以户部侍郎史正志为两浙京潮淮广福建等路都大发运使是冬以奏课诞漫贬并废其职

都转运使 转运使 副使 判官掌经度一路财赋而察其登耗有无以足上供及郡县之费岁行所部检察储积稽考帐籍凡吏口民瘼悉条以上达及专举刺官吏之事熙宁初诏河东河北陕西三路漕臣许乘传赴阙留毋过浹月既又诏三路漕臣令自辟属各二员以京朝官曾历知县者为之二年诏川陕闽广七路除堂选守臣外委转运司依四选例立

格就注免赴选具为令元丰初诏河北淮南京东京西及陕右虽各析为两路许依未析时通治两路之事钱穀听其移用元佑初司马光请漕臣除三路外余路毋得过二员其属官溢员亦省之绍圣中诏淮浙江湖六路上供米计其远近分三限自季冬至明年八月以次输足大观中陕西漕臣以四员为额政和中又诏陕西以三员熙秦两路各二员宣和初又诏陕西以都漕两员总治于长安而漕臣三员分领六路中兴后置官掌一路财赋之入按岁额钱物斛斗之多寡而察其稽违督其欠负以供于上间诣所部则财用之丰欠民情之休戚官吏之勤惰皆访问而奏陈之有军旅之事则供馈钱粮或令本官随军移运或别置随军转运使一员或诸路事体当合一则置都转运使以总之随军及都运废置不常而正使不废若副使若判官皆随资之浅深称焉其属有主管文字干办官各一员文臣准备差遣武臣准备差使员多寡不一

太祖建隆二年以卢俊为京东发运副使

按宋史太祖本纪不载 按玉海建隆二年九月癸酉以卢俊为京畿东路发运副使

干德元年置诸道转运使

按宋史太祖本纪不载 按玉海干德元年以沈义伦为京西韩彦卿为淮南转运使诸道置转运始见此

干德二年以何幼冲充京畿东南水陆发运使

按宋史太祖本纪不载 按玉海云云

开宝六年春正月丙辰置蜀水陆转运计度使

按宋史太祖本纪云云

太宗太平兴国三年置转运判官

按宋史太宗本纪太平兴国三年夏四月乙亥置诸道转运判官

太平兴国七年诏别置水陆发运两司以王宾等掌其事

按宋史太宗本纪不载 按王宾传太平兴国七年

汴漕壅滞军食不给诏别置水陆发运两司以宾有心计会领滨州刺史与儒州刺史许昌裔同掌其事
雍熙四年并水陆发运为一司

按宋史太宗本纪雍熙四年夏四月丁未并水陆发运为一司

按燕翼贻谋录皇朝初下江南置水路陆路发运二司运江南之粟以赡京师其后以陆路不便悉从水路雍熙四年四月诏合水路陆路发运为一司以王继升主之董俨为同掌自此迄于宣和不改

端拱元年三月癸未废水陆发运司

按宋史太宗本纪云云 按食货志端拱元年罢京城水陆发运以其事分隶排岸司及下卸司 按樊知古传知古端拱初迁右谏议大夫河北东西路转运使赐白金千两两路各置转运副使都转运使之名自知古始

淳化五年秋七月癸亥置江淮两浙发运使

按宋史太宗本纪云云

真宗咸平四年诏转运使回日先具荐举奏劄若干议当否为赏罚

按宋史真宗本纪不载 按查道传道知果州咸平四年代归赐绯鱼上言曰朝廷命转运使副不惟审度金谷盖以察廉郡县庶臻治平以召和气今观所至或匪尽公盖无惩劝之科致有因循之弊望自今每使回日先令具任内曾荐举才识者若干奏劄贪猥者若干朝廷议其否臧以为赏罚从之

大中祥符九年八月丙子令江淮发运司留上供米五十万以备饥年

按宋史真宗本纪云云

仁宗景佑元年诏转运使举官以领常平又以转运兼发运事

按宋史仁宗本纪景佑元年七月壬子诏转运使与长史举所部官专领常平仓粟冬十月庚申罢淮南江浙荆湖制置发运使诏淮南转运兼发运事

宝元元年八月丁卯复淮南江浙荆湖制置发运使

按宋史仁宗本纪云云

徽宗重和元年五月乙酉诏诸路选漕臣一员提举
本路神霄宫

按宋史徽宗本纪云云

金

金中都路设都转运司诸路设转运司掌赋税仓库
出纳之事又设漕运司及提举以掌河仓漕运

按金史百官志都转运司使正三品掌税赋钱谷仓
库出纳权衡度量之制同知从四品副使正五品都
勾判官从六品纪纲众务分判勾案惟南京勾判兼
上林署丞户籍判官二员从六品旧止一员承安四
年增置一员不许别差专管拘收征口等事支度判
官二员从六品掌勾判分判支度案事盐铁判官一
员从六品都孔目官二员勾稽文牒知法二员从八
品

注

都勾案户籍案盐铁案支度案开拆案司吏女

直八人汉人九十人抄事一人译史三人通事一
人押递五十人监运诸物公使八十人惟中都路
置都转运司余置转运司省户度判官各一员南
京西京北京辽东山东西路河北东路则置女直
知法汉知法各一员山东东路河东南路北路河
北西路陕西东西路则置汉知法一员余官皆同
中都置女直司司吏辽东路十人西京北京山东
西路各五人余路皆四人译史辽东路三人余各
二人通事各一人汉人司司吏课额一百八十万
贯以上者五十人百五十万贯以上四十五人百
二十万贯以上四十人九十万贯以上三十五人
六十万贯以上三十人三十万贯以上二十五人
不及三十万贯二十人公使人各七十人押递南
京山东东西路河东南路河北西路各五十人西
京河东北路河北东路各四十人余路各三十人
漕运司提举一员正五品景州刺史兼领掌河仓漕
运之事同提举一员正六品勾当官从八品掌催督

起运纲船

司吏六人分掌课使起运两科各设孔目官前后
行各一人僦使科掌吏户礼案起运科掌兵刑工
案公使八十一人押纲官七十六人

景州依此置肇州以提举兼本州同知同提举兼州
判

章宗泰和八年十一月丁酉诏诸路按察使并兼转
运使

按金史章宗本纪云云

宣宗贞佑三年秋七月庚申置陈颖漕运提举官以
户部勾当官往来督察

按金史宣宗本纪云云 按河渠志贞佑三年既迁
于汴以陈颖二州濒水欲借民船以漕不便遂依观
州漕运司设提举官募船户而籍之命户部勾当官
往来巡督

元

元设京畿漕运使掌漕运事又设都漕运使掌御河
上下等处督运其属秩各有差又诸仓各有监支纳
等员而押纲官系之以运粮万户府掌之

按元史百官志京畿都漕运使司秩正三品运使二
员正三品同知二员正四品副使二员正五品判官
二员正六品经历一员正七品知事一员从八品提
控案牒兼照磨二员掌凡漕运之事世祖中统二年
初立军所寻改漕运所至元五年改漕运司秩五
品十二年改都漕运司秩五品十九年改京畿都漕
运使司秩正三品二十四年内外分立两运司而京
畿都漕运司之额如旧止领在京诸仓出纳粮斛及
新运粮提举司站车攒运公事省同知运判知事各
一员而押纲官隶焉延佑六年增同知副使运判各
一员其后定置官员已上正官各二员首领官四员
吏属令史二十一人译史二人回回令史一人通事
一人知印二人奏差一十六人典吏二人其属二十
有四

新运粮提举司秩正五品至元十六年始置管站

车二百五十辆隶兵部开设运粮埧河改隶户部
定置达鲁花赤一员都提举一员同提举二员副
提举一员吏目一员司吏八人奏差十二人

京师二十一仓秩正七品

万斯北仓

中统

二年置

万斯南仓

至元二

十四年置

千斯仓

中统

二年置

永平仓

至元十

六年置

永济仓

至元

四年置

惟亿仓

既盈仓

大有仓

并系皇

庆元年置

屡丰仓

积贮仓

并系皇庆

元年增置

已上十仓每仓各置监支纳一员正七品大使二
员从七品副使二员正八品

丰穰仓

皇庆

元年置

广济仓

皇庆

元年置

广衍仓

至元二

十九年置

大积仓

至元二

十八年置

既积仓

盈衍仓

至元二

十六年置

相因仓

中统

二年置

顺济仓

至元二

十九年置

已上八仓每仓各置监支纳一员正七品大使一

员从七品副使二员正八品

通济仓

中统

二年置

庆贮仓

至元

四年置

丰润仓

至元十

六年置

丰实仓

已上四仓每仓各置监支纳一员正七品大使一

员从七品副使一员正八品

通惠河运粮千户所秩正五品掌漕运之事至元三

十一年始置中千户一员中副千户二员

都漕运使司秩正三品掌御河上下至直沽河西务

李二寺通州等处攒运粮斛至元二十四年自京畿

运司分立都漕运司于河西务置总司分司临清运

使二员正三品同知二员正四品副使二员正五品
运判三员正六品经历一员从七品知事一员从八
品提控案牒二员内一员兼照磨司吏三十三人通
事译史各一人奏差一十六人典吏一人其属七十
有五

河西务十四仓秩正七品

永备南仓 永备北仓

广盈南仓 广盈北仓

充溢仓

已上五仓各置监支纳一员正七品大使二员从
七品副使二员正八品

崇墉仓 大盈仓

大京仓 大稔仓

足用仓 丰储仓

丰积仓 恒足仓

既备仓

已上九仓各置监支纳一员正七品大使一员从
七品副使一员正八品

通州卞三仓秩正七品

有年仓 富有仓

广储仓 盈止仓

及秭仓 乃积仓

乐岁仓 庆丰仓

延丰仓

已上九仓各置监支纳一员正七品大使二员从
七品副使二员正八品

足食仓 富储仓

富衍仓 及衍仓

已上四仓各置监支纳一员正七品大使二员从
七品副使一员正八品

河仓一十有七用从七品印

馆陶仓 旧县仓

陵州仓 傅家池仓

已上各置监支纳一员从七品大使一员从八品

副使一员

秦家渡仓

尖冢西仓

尖冢东仓

长芦仓

武强仓

夹马营仓

上口仓

唐宋仓

唐村仓

安陵仓

四柳树仓

淇门仓

伏恩仓

以上各置监支纳一员从八品大使一员从九品

副使一员

直沽广通仓秩正七品大使一员

荥阳等纲凡三十曰济源曰陵州曰献州曰白马
曰阳曰完州曰河内曰南宫曰溯莒曰霸州曰

东明曰获嘉曰盐山曰武强曰胶水曰东昌曰武
安曰汝宁曰修武曰安阳曰开封曰仪封曰蒲台

曰邹平曰中牟曰胶西曰卫辉曰浚州曰曹濮州
每纲皆设押纲官二员计六十员秩正八品每编

船三十只为一纲船九百余只运粮三百余万石
船户八千余户纲官以常选正八品为之

又按志海道运粮万户府至元二十年置秩正三品
掌每岁海道运粮供给大都达鲁花赤一员万户一
员并正三品副万户四员从三品经历一员从七品
知事一员从八品照磨一员从九品镇抚二员正五
品其属附见

海运千户所秩正五品达鲁花赤一员千户二员
并正五品副千户三员从五品若温台若庆元绍
兴若杭州嘉兴若昆山崇明常熟江阴等处凡五
所而平江又有海运香莎糯米千户所

世祖中统二年始立军储都转运使司又口近仓官
转漕

按元史世祖本纪中统二年秋七月辛酉朔立军储
都转运使司以马力合乃为使周锴为副使九月丙
子口今岁田租输沿河近仓官为转漕不可劳民
至元三年六月丙子立漕运司

按元史世祖本纪云云

至元四年春正月戊午立开元等路转运司

按元史世祖本纪云云

至元八年二月己亥罢诸路转运司入总管府

按元史世祖本纪云云

至元十四年春三月癸巳以行都水监兼行漕运司事

按元史世祖本纪云云

至元十五年六月甲戌罢漕运司以其事隶行中书省各路总管府

按元史世祖本纪云云

至元十九年设南北两漕运司及江浙行省漕运

按元史世祖本纪至元十九年冬十月丙申设南北两漕运司庚戌命游显专领江浙行省漕运 按食货志是年十二月立京畿江淮都漕运司二仍各置分司以督纲运每岁令江淮漕运司运粮至中滦京畿漕运司自中滦运至大都

至元二十年立都漕运司

按元史世祖本纪至元二十年八月丁未济州新开河成立都漕运司

至元二十三年以张瑄朱清为海道运粮万户

按元史世祖本纪至元二十三年十一月乙丑中书省臣言朱清等海道运粮以四岁计之总百一万石斗斛耗折愿如数以偿风浪覆舟请免其征从之遂以昭勇大将军沿海招讨使张瑄明威将军管军万户兼管海道运粮船朱清并为海道运粮万户仍佩虎符

至元二十四年五月壬寅用桑哥言置上海福州两万户府以维制沙不丁乌马儿等海运船十一月甲寅命京畿济宁两漕运司分掌漕事

按元史世祖本纪云云

至元二十五年二月丁巳改济州漕运司为都漕运司并领济之南北漕京畿都漕运司惟治京畿

按元史世祖本纪云云 按食货志至元二十五年

内外分置漕运司二其在外者于河西务置司领接运海道粮事

至元二十六年九月丙戌罢济州泗汶漕运使司

按元史世祖本纪云云

至元二十八年春正月辛酉罢江淮漕运司并于海船万户府十一月甲辰罢海道运粮镇抚司

按元史世祖本纪云云

按续文献通考至元二十八年又用朱清张瑄之请并四府为都漕运万户二止令清瑄二人掌之其属有千户百户等官分为各翼以督岁运清瑄故海盗也故备知海道曲折舟行无患而时亦信任之举全台付之两人黄金虎符万户以下出入其手招募遍东南矣

成宗元贞二年秋七月癸酉诏运粮漕运司官仍旧以三年为代

按元史成宗本纪云云

大德七年十一月甲寅并海道运粮万户府为海道都漕运万户府给印二

按元史成宗本纪云云

武宗至大三年以马合谋但的等领海道运粮都漕运万户府事

按元史武宗本纪至大三年冬十月壬申江浙省臣言曩者朱清张瑄海漕米岁四五十万至百十万时船多粮少顾直均平比岁赋敛横出漕户困乏逃亡者有之今岁运三百万漕舟不足遣人于浙东福建等处和顾百姓骚动本省左丞沙不丁言其弟合八失及马合谋但的澈浦扬家等皆有舟且深知漕事乞以为海道运粮都漕万户府官各以己力输运官粮万户千户并如军官例承袭宽恤漕户增给顾直庶有成效尚书省以闻请以马合谋但的为遥授右丞海外诸蕃宣慰使都元帅领海道运粮都漕运万户府事设千户所十每所设达鲁花赤一千户三副千户二百户四制可

仁宗皇庆元年十二月庚辰省海道运粮万户一员

增副万户为四员

按元史仁宗本纪云云

延佑三年十一月乙卯改旧运粮提举司为大都陆运提举司新运粮提举司为京畿运粮提举司

按元史仁宗本纪云云

延佑六年十一月庚子增京畿漕运司同知副使各一员给分司印

按元史仁宗本纪云云

英宗至治元年春正月壬午增置潮州都漕运司同知运判各一员

按元史英宗本纪云云

顺帝至正十五年分置海道防御运粮万户府

按元史顺帝本纪至正十五年秋七月升台州海道巡防千户所为海道防御运粮万户府九月乙酉立分海道防御运粮万户府于平江路

明

明设督运官员之制

按明会典户部漕运督运官员各年添革不一今书见存者于前而附各事例于后总督都御史一员总兵官一员

把总旧有遮洋总一员万历元年革南京二员中都留守司一员浙江二员江西一员湖广一员山东一员江北直隶二员江南直隶二员

监兑户部主事五员每岁于漕运议事毕选差请口分诣山东河南南直隶浙江江西湖广督军民有司依期交兑催攒起程南运督至仪真与攒运官交接明白即将各兑完起程并交接日期报部查考回日仍将兑完日期具奏

攒运御史一员旧用户部郎中一员三月奏差今改差御史

押运参政一员旧有协同漕运参将二员今革以一参政领漕务

理刑刑部主事一员或员外郎三岁代万历二年革十一年复差

运粮官军南京把总二各领卫十三锦衣卫广洋卫
江阴卫龙虎卫镇南卫神策卫府军卫府军右卫豹
韬左卫龙江右卫金吾后卫虎贲左卫留守左卫以
上把总一员领旗手卫府军左卫金吾前卫府军后
卫兴武卫沈阳右卫应天卫横海卫水军左卫水军
右卫龙虎左卫龙江左卫羽林左卫以上把总一员
领

江南直隶把总二领卫所十九建阳卫新安卫安庆
卫九江卫宣州卫鹰扬卫豹韬卫武德卫留守右卫
虎贲右卫以上上江把总领镇江卫太仓卫苏州卫
镇海卫留守中卫骁骑右卫羽林右卫嘉兴守御千
户所松江守御千户所以上下江把总领

江北直隶把总二领卫所十五淮安卫大河卫泗州
卫邳州卫寿州卫以上把总一员领扬州卫高邮卫
仪真卫庐州卫六安卫滁州卫通州守御千户所泰
州守御千户所盐城守御千户所兴化守御千户所
以上把总一员领

中都把总一领卫所十一留守左卫留守中卫凤阳
卫凤阳右卫凤阳中卫怀远卫长淮卫宿州卫武平
卫颍川卫洪塘湖屯田千户所

浙江把总二领卫所十三杭州前卫杭州右卫绍兴
卫海宁卫海宁守御千户所湖州守御千户所严州
守御千户所以上浙西把总领宁波卫台州卫温州
卫处州卫衢州守御千户所金华守御千户所以上
浙东把总领

山东把总一领卫所十九临清卫平山卫东昌卫济
宁卫兖州护卫东卫守御千户所濮州守御千户所
以上系本总原领徐州卫徐州左卫归德卫德州卫
德州左卫天津卫天津左卫天津右卫通州左卫通
州右卫定边卫神武中卫以上系裁革遮洋并入本
总数

湖广把总一领卫所十旧有荆州左卫嘉靖间改显
陵卫旧有安陆卫改承天卫俱免运武昌卫武昌左
卫蕲州卫黄州卫荆州卫荆州右卫岳州卫襄阳卫

沔阳卫德安守御千户所

江西把总一领卫所十一南昌卫袁州卫赣州卫吉安守御千户所安福守御千户所永新守御千户所抚州守御千户所建昌守御千户所铅山守御千户所广信守御千户所饶州守御千户所

宣宗宣德二年差官督催粮运

按明会典宣德二年差侍郎五员都御史一员督催浙直等府军民粮运

宣德三年令各都司卫所选委指挥官专一运粮

按明会典凡官军选补宣德三年奏准各都司卫所选委指挥等官专一运粮不许别项差操军士缺即为拨补如有不差原选委官及军缺不补者正官并首领官俱罚俸半年

宣德五年选举管运官员

按明会典宣德五年令巡按御史布按二司漕运都指挥选举管运官员军多卫分指挥二员少者一员英宗正统十一年题差主事一员往各司府等处提督交兑

按明会典云云

代宗景泰元年设淮安漕运都御史

按明会典景泰元年设淮安漕运都御史兼理通州至仪真一带河道

景泰二年始置总督漕运都御史

按续文献通考景泰二年始置钦差总督漕运都御史一员驻淮安府

景泰五年令河南山东布按二司官督理兑运

按明会典云云

英宗天顺元年添参将督运令监兑官赴总督漕运官处比较

按明会典天顺元年令总兵官兼理河道又题准添参将一员协同督运又令各处监兑民粮司府州官每岁承委后先行本部知会径赴总督漕运官处比较

天顺二年题准设漕运理刑主事

按明会典云云

宪宗成化八年议准差官催攒粮储

按明会典成化八年议准差在京各衙门堂上官一员催攒粮储

成化十六年添设佐贰都指挥专管漕运

按明会典凡有漕运地方成化十六年添设佐贰都指挥一员专管漕运不与军政其考选推补附郭者镇巡总兵三司掌印官主之若非附郭并远方者镇巡总兵分巡分守官主之

成化二十年添设漕运各官

按续文献通考成化二十年始设管闸主事二员一驻沛县沽头闸一驻济宁又管泉工部主事一员驻宁阳即南旺闸清江提举一员在清江浦卫河提举一员在临清钦差攒运粮储并镇守地方总兵官一员协同漕运参将一员俱驻淮安

成化二十一年令户部差官督同各地方官征兑

按明会典成化二十一年令每年户部差官一员于山东河南南京户部差官四员于浙江江西湖广南直隶地方督同各司府州县正官并管粮官征兑

孝宗弘治二年令户部推选官员催攒漕运

按明会典弘治二年议准每岁于户部郎中员外郎主事内推选一员领口催攒运船

弘治十二年令漕运都御史考察运粮官员并卫所指挥千百户贤否

按明会典弘治十二年令监兑攒运官将各卫所掌印并运粮官贤否递年开送漕运都御史总兵官三年汇送以凭考察又令户部会同兵部及漕运都御史等官考察运粮各卫所指挥千百户廉干有为者存留管事贪婪无为者革退另选相应官代补

弘治十三年令直省守巡道及各府佐贰官督运

按明会典弘治十三年题准各省守巡道直隶各府佐贰官督理粮运

世宗嘉靖七年议准考选及考察漕运官

按明会典嘉靖七年题定考选运官三年一次又议

准淮安清江浦管厂指挥听漕运衙门填注贤否送
户兵二部与漕运官一体考察去留
嘉靖九年令粮运调取运粮官
按明会典嘉靖九年题准运粮官员听漕运衙门坐
名调取不许擅自补换
嘉靖二十一年准升廉干运官实职
按明会典嘉靖二十一年议准凡把总等官三年以
上果有贤能干济依期完粮不至借债者准令于实
职上升一级
穆宗隆庆元年准差御史监兑攒运
按明会典隆庆元年题准差监察御史一员前往浙
江并南直隶苏松常镇四府监兑粮米催攒运船兼
理济宁迤南一带河道
隆庆三年以巡盐御史兼督漕务
按明会典隆庆三年题准两浙巡盐御史兼督浙江
杭嘉湖三府直隶苏松常镇四府漕务革监兑官
隆庆四年令都御史等官经理督催给攒运把总关
防
按明会典隆庆四年题准漕船起行都御史坐镇淮
安参将移驻瓜仪总兵驻徐州各分经理催督船粮
又题准给攒运把总关防又议准南京巡屯御史兼
督应天太平宁国安庆池州五府及广德州粮务
隆庆五年准设官员攒运及经理粮务
按明会典隆庆五年以粮运迟误漂失数多复题差
御史一员同户部郎中一员催攒 又隆庆五年题
准差御史攒运又题准裁革参将设参政一员每年
正月移驻瓜仪经理粮船过闸过坝管押到京又令
两淮巡盐御史兼督庐凤淮扬四府及滁徐和三州
粮务
神宗万历三年题准漕运把总等官许各衙门荐举
令升职赏优叙有差
按明会典凡漕运把总等官万历三年题准把总管
运粮三年以上果廉能干济依期完粮许各该衙门
据实保荐准令于实职上升一级其运官依期过淮

过洪完纳巡仓御史据实奖荐即行赏仍拟升署
职一级过洪后期完纳依期者通候三年推升署职
一级凡经荐举运官兵部即行纪录候升迁日破格
优叙若先犯降级不系侵欺挂欠许将所升职级准
复原降之数若见有漂流并未掣通关不得滥举
万历五年题准仍差主事一员往苏松常镇监兑
按明会典云云

万历六年专差御史催运定运官更番领运
按明会典万历六年革催攒郎中专差御史 又停
差攒运郎中又令南京二总各卫运官俱与军政僉
书更番领运责成掌印官先期料理仍差南京兵部
主事一员专管选补军旗事务

万历九年复差主事一员往浙江监兑
按明会典云云

万历十二年免巡盐御史押送漕粮
按明会典万历十二年令两浙巡盐御史仍带管漕
粮只行文督催免其押送镇江

皇清

国朝督运官员

大清会典督运官员

总理

漕运总督一员

分辖

江安粮道一员 苏松粮道一员

浙江粮道一员 江西粮道一员

湖北粮道一员 湖南粮道一员

山东粮道一员

旧有河南粮道一员今裁

监兑

江南各府厅官一十六员

江宁同知 苏州同知

苏州通判 松江同知

松江通判 常州通判

镇江通判 淮安通判

扬州通判 徐州同知
安庆通判 宁国通判
池州通判 太平通判
庐州通判 凤阳同知
旧有河南各府厅官今停监兑
浙江各府厅官三员
杭州通判 嘉兴通判
湖州通判
江西各府厅官三员
南昌通判 吉安通判
以上二员监兑南昌广信南康建昌抚州临江
吉安瑞州八府
临江通判 监兑饶州
湖广各府厅官九员
武昌通判 汉阳通判
安陆通判 德安通判
黄州通判 荆州通判
岳州通判 长沙通判
衡州通判
山东各府厅官三员
济南通判 兖州通判
东昌通判
押运
江南通判一员 江南通判一员
浙江通判一员 江西通判一员
湖北通判一员 湖南通判一员
攒运
淮南沿江沿河镇道将领等官
淮北沿河镇道将领等官
运粮官丁
江安粮道属
兴武卫九帮领运千总十八员
江淮卫九帮领运千总十八员
淮安卫四帮领运千总八员

大河卫前帮二帮三帮领运千总六员
扬州卫四帮领运千总八员
仪真卫江南帮领运千总二员
徐州卫一□领运千总二员
安庆卫领运千总二员
新安卫池州□领运千总二员
宣州卫领运千总二员
建阳卫太平□宁国□领运千总四员
庐州卫三□领运千总六员
滁州卫一□领运千总二员
凤阳卫一□领运千总二员
凤阳右卫二□领运千总四员
凤阳中卫一□领运千总二员
长淮卫三□领运千总六员
宿州卫二□领运千总四员
泗州卫前□后□领运千总四员
苏松粮道属
苏州卫前□后□领运千总四员
太仓卫前□后□领运千总四员
镇海卫二□领运千总四员
金山卫一□领运千总二员
镇江卫前□后□领运千总四员
浙江粮道属
杭州前卫前□后□领运千总四员
杭州右卫前□后□领运千总四员
绍兴卫前□领运守备一员千总一员后□领
运千总二员
海宁所领运千总二员
湖州所领运千总二员
严州所领运千总二员
嘉兴所领运千总一员
宁波卫前□领运守备一员千总一员后□领
运千总二员
台州卫前□后□领运千总四员

温州卫前□后□领运千总四员
处州卫前□领运守备一员千总一员后□领
运千总二员
衢州所领运千总一员
金华所领运千总一员
江西粮道属
南昌卫前□领运守备一员千总一员后□领
运千总二员
袁州卫领运守备一员千总一员
赣州卫领运守备一员千总一员
九江卫前□领运千总二员后□领运千总二
员
吉安所领运千总二员
安福所领运千总二员
永新所领运千总二员
抚州所领运千总二员
建昌所领运千总二员
铅山所领运千总二员
广信所领运千总二员
饶州所领运千总二员
湖北粮道属
武昌卫领运守备一员千总一员
武昌左卫领运守备一员千总一员
蕲州卫领运守备一员千总一员
黄州卫领运守备一员千总一员
襄阳卫领运守备一员千总一员
沔阳卫领运守备一员千总一员
德安所领运千总一员
荆州卫领运守备一员千总一员
荆州左卫领运守备一员千总一员
荆州右卫领运守备一员千总一员
湖南粮道属
岳州卫领运守备一员千总一员
山东粮道属

临清卫山东口领运千总二员

东昌卫领运千总二员又濮州所领运千总二员

济宁卫前口后口领运千总四员

东平所领运千总二员

德州卫领运千总二员

旧有河南粮道属天津卫领运千总一员通州所领运千总一员德州左卫领运千总二员平山卫前后口领运千总四员任城卫领运千总二员

顺治元年

大清会典顺治元年设漕运总督一员驻扎淮安又设总理侍郎一员同总漕督理运务又设漕储道一员专辖粮运

顺治二年

大清会典顺治二年差御史一员催攒漕运

顺治七年

大清会典顺治七年停差巡漕

顺治八年

大清会典顺治八年又题准裁总理侍郎 又复差巡漕御史

顺治十年

大清会典顺治十年裁漕储道添设江南江北浙江江西粮道各一员轮征轮解凡督征漕粮修造船口金运交兑督押铃束领运官丁俱系粮道职掌别衙门不得干预有势要把持及不服铃束者听其指实奏

闻撰给

口谕

顺治十二年

大清会典顺治十二年

特差部司官四员一员往临清一员往济宁二员往淮安同总漕催攒漕粮每员带笔帖式一员通事二员拨什库四名 又覆准漕船过淮总漕

亲行掣验不得委官 又复设总理侍郎一员
顺治十四年

大清会典顺治十四年覆准江西旧例通省漕米详
委推官一员总为监兑押运至淮今定监兑仍
属推官押运专责通判 又覆准停差巡漕御
史

顺治十五年

大清会典顺治十五年裁江南江北浙江江西粮道
各一员复设漕储道一员

顺治十六年

大清会典顺治十六年覆准漕储道催重攒空粮道
专司金选追比督运诸务皆不能分身抵通督
押过淮盘验后令回本省料理新漕除山东河
南粮道照旧押运外余省令总漕该抚于本省
管粮通判中遴选一员督押抵通

顺治十七年

大清会典顺治十七年覆准粮道不得别委使专司
漕务毋误职掌

顺治十八年

大清会典顺治十八年裁总理侍郎

漕使部名臣列传二

宋二

蒋之奇

按宋史本传之奇字□叔常州宜兴人为淮东转运
副使岁恶民流之奇募使修水利以食流者如扬之
天长三十六陂宿之临涣横斜三沟尤其大也用工
至百万溉田九千顷活民八万四千历江西河北陕
西副使之奇在陕西经赋入以给用度公私用足比
其去库缗八十余万边粟皆支二年移淮南擢江淮
荆浙发运副使元丰六年漕粟至京比常岁溢六百
二十万石锡服三品请凿龟山左肘至洪泽为新河
以避淮险自是无覆溺之患诏增二秩加直龙图阁
升发运使凡六年其所经度皆为一司故事

罗拯

按宋史本传拯字道济祥符人第进士历官知荊州州介两江间每江涨辄犯城郭拯作东西二堤除其患选知秀州为江西转运判官提点福建刑狱泉州兴化军水坏庐舍拯请勿征海运竹木经一年民居皆复其旧迁转运使邵武之光泽不榷酒以课赋民号黄曲钱拯均之他三邑人以为便改江淮发运副使江淮故无积仓漕船系岸下俟余入乃得行盖官吏以淮南不受陈粟为口讪计拯始请凡米至而不可上供者以廩军又贮浙西米于润仓以时运自是漕增而费省转为使拯使闽时泉商黄谨往高丽馆之礼宾省其王云自天圣后职贡绝欲令使与谨俱来至是拯以闻神宗许之遂遣金梯入贡高丽复通中国自兹始加天意阁待制居职七年徙知永兴军青颖泰三州卒年六十五拯性和柔不与人校曲直为发运使时与副皮公弼不协公弼徙他道御史劾其贷官钱拯力为辨理钱公辅为谏官尝论拯短而公辅姻党多在拯部内往往荐进之或讥以德报怨拯曰同僚不协所见异也谏官所言职也又何怨乎时论服其长者

苗时中

按宋史本传时中字子居其先自壶关徙宿州以荫主宁陵簿邑有古河久口请开导以溉田为利甚博人谓之苗公河调潞州司法参军郡守欲入一囚于死执不可守怒责甚峻时中曰宁归田里法不可夺守悟而听之熙宁中以司农丞使梓州路密荐能吏十人后皆进用人卒莫之知交人犯边擢广西转运副使师讨交人罪次口良江久不进时中曰师无进讨意贼必从间道来乘我不备冀万一之胜势穷然后降耳密备之既而果从上流来战败始纳款徙梓州转运副使韩存宝讨蛮乞弟逗遛不行时中曰师老矣将士暴露非计之善者存宝不听卒坐诛林广代存宝乞弟既降复逸去将士相视失色及暮刁斗不鸣时中问广广曰既失贼故纵兵追之不暇恤尔时中曰天子以十万众相付岂以一死为勇耶今入

异境变且不测广悟亟止追者整军以进会得诏班
师军行时中以粮道远创为攒运法食以不乏迁两
阶为发运副使河东转运使加直龙图阁知桂州进
宝文阁待制至户部侍郎卒

李之纯

按宋史本传之纯字端伯沧州无棣人登进士第熙
宁中为度支判官江西转运副使御史周尹劾广西
提点刑狱许彦先受鬯吏金命之纯往究其端乃起
于出婢之口之纯以为荒俚之言不治彦先得免徙
成都路转运使成都岁发官米六千石损直与民言
者谓惠民损上诏下其议之纯曰蜀郡人恃此为生
百年奈何一旦夺之事遂已秩满复留凡数岁始还
朝神宗劳之曰遐方不欲数易大吏使口外安靖年
谷屡丰以彰朝廷绥远之意汝知之乎以为右司郎
中转运太仆卿元佑初加直龙图阁知沧州召为户部
侍郎未至改集贤殿修撰河北都转运使进宝文阁
待制知瀛州俄以直学士知成都府还为户部三迁
御史中丞卒年七十五

王宗望

按宋史本传宗望字礪叟光州固始人以荫累擢夔
州路转运副使哲宗即位行赦赏军万州弥旬不给
庖卒朱明因众怒白昼入府宅伤守臣左右惊散他
兵籍籍谋兆乱宗望闻变自夔疾驱至先命给赏然
后斩明以徇且甯视守伤而不救者乃自劾朝廷嘉
之历仓部郎中司农少卿江淮发运使楚州沿淮至
涟州风涛险舟多溺议者谓开支氏渠引水入运河
岁久不决宗望始成之为公私利代吴安持为都水
使者自大河有东北流之异纷争十年水官无所适
从宗望谓回河有创立金堤七十里索缗钱百万诏
从之右正言张商英论其诞谩而宗望奏已有成绩
遂增秩三等加直龙图阁河北都转运使擢工部侍
郎以集贤殿修撰知郢州卒年七十七元符中治其
导河东流事以为附会元佑追所得恩典云

鲜于侁

按宋史本传侁字子骏阆州人唐剑南节度使叔明裔孙也性庄重力学举进士为江陵右司理参军庆历中天下旱诏求直言侁推灾变所由兴又条当世之失有四其语剴切唐介与同乡里称其名于上官文章论荐侁盛言左参军李景阳枝江令高汝士之美乞移与之介益以为贤调黟令摄治婺源奸民汪氏口而狠横里中因事抵法群吏罗拜曰汪族败前令不少今不舍后当貽患侁怒立杖之恶类屏迹通判绵州绵处蜀左吏徂贪成风至课卒伍供薪炭刍豆鬻果蔬多取赢直侁一切弗取郡守以下效之赵抃使蜀荐于朝未及用从何郯辟签书永兴军判官万年令不任职系囚累百府使往治数日空其狱神宗诏求直言侁为蔡河拨发应诏陈十六事神宗爱其文诏近臣举所知范镇以侁应选除利州路转运判官初王安石居金陵有重名士大夫期以为相侁恶其沽激要君语人曰是人若用必坏乱天下至是乃上书论时政曰可为忧患者一可为太息者二其他逆治体而召民怨者不可概举其意专指安石安石怒毁短之神宗曰侁有文学可用安石曰陛下何以知之神宗曰有章奏在安石乃不敢言初助役法行诏诸路各定所役缗钱利州转运使李瑜定四十万侁争之曰利州民贫地瘠半此可矣瑜不从各以其事闻时诸路役书皆未就神宗是侁议谕司农曾布使颁以为式因黜瑜而升侁副使仍兼提举常平部民不请青苗钱安石遣吏廉按且诘侁不散之故侁曰青苗之法愿取则与民自不愿岂能强之哉左藏库使周永懿守利州贪虐不法前使者畏其凶莫敢问侁捕械于狱流之衡湘因请更以文臣为守并易班行领县事凡居部九年治所去阆中近姻戚旁午待之无所私各得其欢心苏轼称侁上不害法中不废亲下不伤民以为三难二税输绢绵侁奏听民以畸零纳直其役有李元辅者辄变而多取之父老流涕曰老运使之法何可改盖侁之侄师中亦居是职故称老以别之徙京东西路河决澶渊议欲勿塞

侂言东州汇泽惟两泆夏秋雨淫犹溢而害若纵大河注其中民为鱼矣作议河书上之神宗嘉纳后两路合为一以侂为转运使时王安石吕惠卿当路正人多不容侂曰吾有荐举之权而所列非贤耻也故凡所荐如刘摯李常苏轼苏辙刘攽范祖禹皆守道背时之士元丰二年召对命知扬州神宗曰广陵重镇久不得人今朕自选卿往宜善治之苏轼自湖州赴狱亲朋皆绝交道扬侂往见台吏不许通或曰公与轼相知久其所往来书文宜焚之勿留不然且获罪侂曰欺君负友吾不忍为以忠义分谴则所愿也为举吏所累罢主管西京御史台哲宗立念东国困于役吴居厚掊敛虐害窜之复以侂使京东司马光言于朝曰以侂之贤不宜使居外顾齐鲁之区雕敝已甚须侂往救之安得如侂百辈布列天下乎士民闻其重临如见慈父母召为太常少卿侍从议神宗庙配享有欲用王安石吴充者侂曰先朝宰相之贤谁出口弼右乃用弼拜左谏议大夫侂见哲宗幼冲首言君子小人消长之理甚备又言制举诚取士之要国朝尤为得人王安石用事诋訾新政遂废其科今方搜罗俊贤廓通言路宜复六科之旧又乞罢大理狱许两省谏官相往来减特奏言举人严出官之法京东盐得通商复三路义勇以宽保甲罢戎泸保甲以宽民力事多施行在职三月以疾求去除集贤殿修撰知陈州诏满岁进待制居无何卒年六十九侂刻意经术着诗传易断为范镇孙甫推许孙复与论春秋谓今学者不能如之作诗平淡渊粹尤长于楚辞苏轼读九诵谓近屈原宋玉自以为不可及也

毛渐

按宋史本传渐字正仲衢州江山人第进士知宁乡县熙宁经理五溪渐条利害以上察访使使者谕以区画遂建新化安化二县渐用是得著作佐郎知安化县召为司农丞提举京西南路常平元佑初知高邮军迁广东转运判官渠阳蛮扰边近臣言渐习知

蛮事迁荆湖北路转运判官时朝廷议弃地渐曰蛮獠畔服不常非稍威以兵未易怀德今一犯边即弃地非计也不报渠阳既弃蛮复大入抄略覆官军荆土为大扰渐历提点江西刑狱江东两浙转运副使浙部水溢诏赐缗钱二百万以赈之渐言数州被害即捐二百万俛仍岁如之将何以继乃案钱氏有国时故事起长安堰至盐官彻清水浦入于海开无锡莲蓉河武进庙堂港常熟疏泾梅里入大江又开昆山七耳茜泾下张诸浦东北道吴江开大盈顾汇柘湖下金山小官浦以入海自是水不为患加集贤校理入为吏部右司郎中以秘阁校理为陕西转运使摄渭秦熙三州未几复摄帅泾原日夜治兵乘夏人犯边遣将捣其卢遂破没烟寨进直龙图阁知渭州命下卒年五十九优赠龙图阁待制

顾临

按宋史本传临字子敦会稽人通经学长于训诂皇佑中举说书科为国子监直讲迁馆阁校勘同知礼院熙宁初神宗以临喜论兵诏编武经要略初命都副承旨提举神宗谓临馆职改提举曰馆干且召临问兵对曰兵以仁义为本动静之机安危所系不可轻也因条十事以献出权湖南转运判官提举常平议事戾执政意罢归改同判武学进集贤校理开封府推官请知颍州入为吏部郎中秘书少监以直龙图阁为河东转运使元佑二年擢给事中朝廷方事回河拜临天章阁待制河北都转运使于是翰林学士苏轼与李常王古邓温伯孙觉胡宗愈言临资性方正学有根本慷慨中立无所回挠自处东省封驳论议凜然有古人之风侥幸之流侧目畏惮忽去朝廷众所嗟惜宜留置左右以补阙遗别选深知河事者往使河北谏议大夫梁焘亦言都漕之职在外岂无其人在朝求如临者恐不易得皆不报临至部请因河势回使东流复以给事中召还历刑兵吏三部侍郎兼侍读为翰林学士绍圣初以龙图阁学士知定州徙应天河南府中人梁惟简坐尝事宣仁太后

得罪过洛转运使郭茂恂恂时宰意劾临与之宴集夺职知歙州又以附会党人斥饶州居位卒年七十二徽宗立追复之

任谅

按宋史本传谅字子谅眉山人徙汝阳九岁而孤舅欲夺母志谅挽衣泣曰岂有人子不能养其亲者乎母为感动而止谅力学自奋年十四即冠乡书登高第调河南户曹以兵书谒枢密曾布布使人邀诣阙既见觉不能合径去布为相犹欲用之谅予书规以李德裕事布始怒蒋之奇章榘在枢府荐为编修官布持其奏不下为怀州教授徽宗见其所作新学碑曰文士也擢提举夔路学事历京西河北京东改转运判官着河北根本籍凡户口之升降官吏之增损与一岁出纳奇赢之数披籍可见上之朝张商英见其书谓为天下部使者之最提点京东刑狱梁山泅渔者习为盗荡无名籍谅伍其家刻其舟非是不得辄入他县地错其间者镌石为表盗发则督吏名捕莫敢不尽力迹无所容加直秘阁徙陕西转运副使降人李讹哆知边廩不继阴阙地窖粟而叛遣西夏统军书称定边可唾手取谅谍知其谋亟输粟定边及诸城堡且募人发所窖得数十万石讹哆果入寇失藏粟七日而退他日复围观化堡而边储已足讹哆遂解去加徽阁待制江淮发运使蔡京破东南转般漕运法为直达纲应募者率游手亡赖盗用干没漫不可核人莫敢言谅入对首论之京怒会汴泗大水泗州城不没者两板谅亲部卒筑堤徙民就高賑以米粟水退人获全京诬以为漂溺千计坐削籍归田里执政或言水灾守臣职发运使何罪帝亦知其枉复右文殿修撰陕西都转运使寻复徽猷阁待制进直学士童贯更钱法必欲铁钱与铜钱等物价率十减其九诏谅与贯议谅言为六路害寝其策加龙图阁直学士知京兆府徙渭州以母忧去宣和七年提举上清宝箓宫修国史初朝廷将有事于燕谅曰中国其有忧乎乃作书贻宰相曰今契丹之势

其亡昭然取之当以渐师出不可无名宜别立耶律氏之宗使散为君长则我有存亡继绝之义彼有瓜分辐裂之弱与邻崛起之金国势相万也至是又言郭药师必反帝不听大臣以为病狂出提举嵩山崇福宫是冬金人举兵犯燕山药师叛降皆如谅言乃复起谅为京兆未几卒年五十八

赵开

按宋史本传开字应祥普州安居人登元符三年进士第大观二年权辟靡正用举者改秩即尽室如京师买田尉氏与四方贤俊游因谏知天下利病所当罢行者如是七年慨然有通变救弊志宣和初除礼制局校正检阅官数月局罢出知鄢陵县七年除讲议司检详官开善心计自检详罢除成都路转运判官遂奏罢宣和六年所增上供认额纲布十万匹减口州下户支移利州水脚钱十分之三又减蒲江六井元符至宣和所增盐额列其次第谓之鼠尾帐揭示乡户岁时所当输折科等实数俾人人俱晓乡胥不得隐匿窜寄尝言财利之源当出于一祖宗朝天下财计尽归三司诸道利源各归漕计故官省事理并废以还漕司则利害可以参究而无牵掣窒碍之患矣因指陈榷茶买马五害大略谓黎州买马嘉佑岁额纔二千一百余自置司榷茶岁额四千且获马兵逾千人犹不足用多费衣粮为一害嘉佑以银绢博马价皆有定今长吏旁缘为奸不时归货以空券给夷人使待资次夷人怨恨必生边患为二害初置司榷茶借本钱于转运司五十二万缗于常平司二十余万缗自熙宁至今几六十年旧所借不偿一文而岁借乃准初数为三害榷茶之初预俵茶户本钱寻于数外更增和买或遂抑预俵钱充和买茶户坐是破产而官买岁增茶日滥杂官茶既不堪食则私贩公行刑不能禁为四害承平时蜀茶之入秦者十几八九犹患积压难售今关陇悉遭焚荡仍拘旧额竟何所用茶兵官吏坐糜衣粮未免科配州县为五害请依嘉佑故事尽罢榷茶仍令转运司买马即五

害并去而边患不生如谓榷茶未可遽罢亦宜并归转运司痛减额以苏茶户轻立价以惠茶商如此则私贩必衰盗贼消弭本钱既常在而息钱自足朝廷是其言即擢开都大提举川陕茶马事使推行之时建炎二年也于是大更茶马之法官买官卖茶并罢参酌政和二年东京都茶务所勘条约印给茶引使茶商执引与茶户自相贸易改成都旧买卖茶场为合同场买引所仍于合同场置茶市交易者必由市引与茶必相随茶户十或十五共为一保并籍定茶铺姓名互察影带贩鬻者凡买茶引每一斤春为钱七十夏五十旧所输市例头子钱并依旧茶所过每一斤征一钱住征一钱半其合同场监官除验引秤茶封记发放外无得干预茶商茶户交易事旧制买马及三千匹者转一官此但以所买数推赏往往有一任转数官者开奏请推赏必以马到京实收数为格或死于道黜降有差比及四年冬茶引收息至一百七十余万缗买马及逾二万匹张浚以知枢密院宣抚川蜀素知开善理财即承制以开兼宣抚处置使司随军转运使专一总领四川财赋开见浚曰蜀之民力尽矣锱铢不可加独榷货稍存赢余而贪猾认为己有互相隐匿惟不恤怨詈断而敢行庶可救一时之急浚锐意兴复委任不疑于是大变酒法自成都始先罢公使卖供给酒即旧扑买坊场所置隔槽设官主之曲与酿具官悉自买听酿户各以米赴官场自酿凡一石米输三千并头子杂用等二十二其酿之多寡惟钱是视不限数也明年遂□四路行其法又法成都府法于秦州置钱引务兴州鼓铸铜钱官买银绢听民以钱引或铜钱买之凡民钱当入官者并听用引折纳官支出亦如之民私用引为市于一千并五百上许从便增高其直惟不得减削法既流通民以为便初钱引两科通行纔二百五十万有奇至是添印至四千一百九十余万人亦不厌其多价亦不削宣司获伪引三十万盗五十人浚欲从有司议当以死开白浚曰相君误矣使引伪加宣抚

使印其上即为真黜其徒使治币是相君一日获三十万之钱而起五十人之死也浚称善悉如开言最后又变盐法其法实视大观东南东北盐钞条约置合同场盐市与茶法大抵相类盐引每一斤纳钱二十五土产税及增添等共纳五钱四分所过每斤征钱七分住征一钱五分若以钱引折纳别输称提勘合钱共六十初变榷法怨詈四起至是开复议更盐法言者遂奏其不便乞罢之以安远民且曰如谓大臣建设务全事体必须更制即乞札与张浚照会诏以其章示浚浚不为变时浚荷重寄治兵秦川经营两河旬犒月赏期得士死力费用不赀尽取办于开开悉知虑于食货算无遗策虽支费不可计而赢资若有余吴玠为四川宣抚副使专治战守于财计盈虚未尝问惟一切以军期趣办与开异趣玠数以饷馈不继诉于朝开亦自劾老惫丐去朝廷未许乃特置四川安抚制置大使之名命席益为之益前执政诏位宣抚司上朝论恐未安仍诏张浚视师荆襄川陕六年罢宣抚司玠仍以宣抚治兵事军马听玠移拨钱物则委开拘收寻除开徽阁待制加玠两镇节钺复降旨都转运使不当与四路漕臣同系口成都潼川两路漕臣与都转运使坐应副军支钱物愆期各贬二秩朝廷故抑扬之使之交解间隙趣办饷馈也而开复与席益不和抗疏乞将旧米宣抚司年计应副军期不许他司分擘支用又指陈宣抚司截都漕运司钱就果阍余米非是又言应副吴玠军须绍兴四年总为钱一千九百五十五万七千余缗五年视四年又增四百二十万五千余缗蜀今公私俱困四向无所取给事属危急实甚可忧乞许以茶马司奏计诣阙下尽所欲言朝廷既知开与玠及席益有隙乃诏开赴行在以李迥代之会疾作不行提举江州太平观七年复右文殿修撰都大主管川陕茶马开已病累疏丐去诏从所乞提举太平观十一年卒

李迥

按宋史本传迨东平人也曾祖参仕至尚书右丞迨未冠入太学因居开封以荫补官初调渤海县尉时州县团结民兵民起田亩中不闲坐作进退之节或哗不受令迨立赏罚以整齐之累月皆精练部伍如法部刺史按阅无一人乱行伍者遂荐之朝改合入官累迁通判济州时高宗以大元帅过济郡守自以才不及逊迨行州事迨应办军须无阙会大元帅府劝进乘輿仪物皆未备迨谙熟典故裁定其制不日而办上深叹赏即除随军辇运上即位于南京授山东辇运改金部郎从驾至维扬敌犯行在所即取金部籍有关于国家经赋之大者载以行及上于镇江时建炎三年二月也宰相吕颐浩言于上即日召见未几丁父丧诏起复以中散大夫直龙图阁为御营使司参议官兼措置军前财用苗傅刘正彦叛吕颐浩张浚集勤王之师迨流涕谓诸将曰君第行无虑军食师行所至食皆先具事平同赵哲等入对上慰劳之诏转三官辞不拜除权户部侍郎四年加显谟阁待制为淮南江浙荆湖等路制置发运使寻以军旅甫定乞持余服诏许之绍兴二年知筠州明年移信州寻提举江州太平观五年十月以旧职除两浙路转运使言祖宗都大梁岁漕东南六百余万斛而六路之民无飞挽之扰盖所运者官舟所役者兵卒故也今驻蹕浙右漕运地里不若中都之远而公私苦之何也以所用之舟大半取于民间往往凿井沉船以避其役如温州明虔吉州等处所置造船场乞委逐州守臣措置募兵卒牵挽使臣管押庶几害不及民可以渐复漕运旧制诏工部措置寻加徽猷阁直学士升龙图阁直学士为四川都转运使兼提举成都等路茶事并提举陕西等路买马自熙丰以来始即熙秦戎黎等州置场买马而川茶通于永兴四路故成都府秦州皆有榷茶司至是关陕既失迨请合为一司名都大提举茶马司以省冗费从之逾年诏迨以每岁收支之数具旁通驿奏迨乃考其本永具奏曰绍兴四年所收钱物三千三百四十二万余缗

此所支关五十一万余缗五年收三千六十万缗此所支关一千万余缗六年未见七年所收三千六百六十万余缗此所支关一百六十一万余缗自来遇岁计有阙即添支钱引补助绍兴四年添印五百七十六万道五年添印二百万道六年添印六百万道见今泛料太多引价顿落缘此未曾添印兼岁收钱物内有上供进奉等窠名一千五百九十九万系四川岁入旧额其劝谕激赏等项窠名钱物共二千六十八万系军兴后来岁入所增比旧额已过倍其取于民可谓重矣臣尝考刘晏传是时天下岁入缗钱千二百万而管榷居其半今四川榷盐榷酒岁入一千九十一万过于晏所榷多矣诸窠名钱已三倍刘晏岁入之数彼以一千二百万贍中原之军而有余今以二千六百万贯贍川陝一军而不足又如折估及正色米一项通计二百六十五万石止以绍兴六年朝廷取会官兵数计六万八千四百四十九人决无一年用二百六十五万石米之理数内官员一万一千七员军兵五万七千四百四十九人官员之数比军兵之数约计六分之一军兵请给钱比官员请给不及十分之一即是冗滥在官员不在军兵也计司虽知冗滥力不能裁节之虽是宽剩亦未敢除减此朝廷不可不知也蜀人所苦甚者余买般运也盖余买不科敷则不能集其事苟科敷则不能无扰般运事稍缓则船户独受其弊急则税户皆被其害欲省漕运莫如屯田汉中之地约收二十五万余石若将一半充不系水运去处岁计以米一半对减川路余买般发岁计米亦可少宽民力兼臣已委官于兴元洋州就余夏麦五十万石岷州欲就余二十万石兼用营田所收一半之数十二万石三项共计五十七万石每年水运应付阆利州以东计米五十八万石若得此三项可尽数免川路余买般运此乃恤民之实惠守边之良策也降诏奖谕以与吴玠不合与祠九年金人归我三京命迨为京畿都转运使孟庾时为权东京留守潜通北使迨察其隐微庾不能平讼于

朝且使人告迨曰北人以兵至矣迨曰我家食国家禄二百年荷陛下重任万死不足报吾老矣岂能下穹庐之拜乎首可断而膝不可屈也如果然吾将极骂以死告者悚然而去降圣节庾失于行礼为迨所持庾自劾迨因此求罢去乃落职与祠归而庾以京师降于金人迨寻复龙图阁待制知洪州十六年以疾丐祠十八年卒

赵子洎

按宋史宗室传子洎字正之燕王五世孙父令铎官至宝文阁待制子洎以荫补承务郎累迁少府监主簿改河南少尹时治西内子洎有干才漕使宋口器之或事有未便子洎辄力争口每改容谢之除蔡河拨发纲运官会夏旱河水涸转饷后期贬秩一级提举三门白波辇运事除直秘阁丁内艰起复累进龙图阁秘阁修撰除陕西转运副使初蔡京铸夹锡钱民病壅滞子洎请铸小铁钱以权之因范格以进徽宗大说御书宣和通宝四字为钱文既成子洎奏令民以旧铜钱入官易新铁钱旬日易得百余万缗帝手札以新钱百万缗付五路均余细麦命子洎领其事民苦限迫诣子洎诉者日数百人子洎奏请宽其期民便之会蔡京再相言者希京意论子洎乱钱法落职奉祠靖康初复秘阁修撰金人侵洛子洎奔荆南溃兵祝靖盛德破荆南城子洎匿民家靖等知之来谒言京城已破子洎泣说之曰君辈宜亟还都城护社稷取功名无贪财扰州县也皆应曰诺子洎因草檄趣之翌日靖等遂北行绍兴元年召见复徽猷阁直学士知西外宗正司改江西都转运使时建督府军口浩繁子洎运饷不绝以功进宝文阁直学士再知西外宗正司三京新复除京畿都转运使以疾辞卒于家年六十七子洎幼警悟苏轼过其家抱置膝上谓其父曰此公家千里驹也及长善谈论工诗然崇宁大观间土木繁兴子洎每董其役识者鄙之

元

张础

按元史本传础字可用其先渤海人金末曾祖琛徙燕之通州祖伯达从忽都忽那颜略地燕蓟金守其蒲察斤以城降忽都忽承制以伯达为通州节度判官遂知通州父范为真定劝农官因家焉础业儒丙辰岁平章廉希宪荐于世祖潜邸时真定为诸王阿里不哥分地阿里不哥以础不附己衔之遣使言于世祖曰张础我分地中人当以归我世祖命使者复曰兄弟至亲宁有彼此之间且我方有事于宋如础者实所倚任待天下平定当遣还也已未从世祖伐宋凡征发军旅文檄悉出其手中统元年立中书省以础权左右司事寻出为彰德路拘榷官复入为三部员外郎赐金符为平阳路同知转运使改知献州同知东平府事又改知威州有妇人乘驴过市者投下官暗赤之奴引鸣镝射妇人坠地奴匿暗赤家础将以其事闻暗赤惧乃出其奴论如法至元十四年立诸道提刑按察司以础为江南浙西道提刑按察副使佩金符宣慰使失里贪暴掠良民为奴础劾黜之遂安县民聚众负险为乱命础与同知浙西道宣慰使刘宣领兵捕之宣即欲进兵础曰江南新附守吏或失抚字宜遣人招谕以全众命宣不可础曰谕之不来加诛未晚遂遣人谕之逆党果自缚请罪础释之宣乃叹服迁岭南广西道提刑按察使广西宣慰使也里脱强夺民财础按其罪迁岭北湖南道提刑按察副使授滨州路总管不赴拜国子祭酒寻出为安丰路总管三十一年卒于官年六十三赠昭文馆大学士正奉大夫封清河郡公谥文敏子淑卫辉路推官

罗璧

按元史本传璧字仲玉镇江人父大义为宋将璧年十三而孤长从朱□孙入蜀累官武翼大夫利州西路马步军副总管□孙移荆湖璧从之至江陵右丞阿里海牙领军江陵璧从□孙降授宣武将军管军千户隶丞相阿朮麾下招收进军讨歙寇有功领本州安抚事至元五年从元帅张弘范定广南赐金符

升明威将军管军总管镇金山居四年海盗屏绝徙镇上海督造海舟六十艘两月而毕至元十二年始运江南粮而河运弗便十九年用丞相伯颜言初通海道漕运抵直沽以达京城立运粮万户三而以璧与朱清张瑄为之乃首部漕舟由海洋抵杨村不数十日入京师赐金虎符进怀远大将军管军万户兼管海道运粮二十四年乃颜叛璧复以漕舟至辽阳浮海抵锦州小凌河至广宁十寨诸军赖以济加昭勇大将军二十五年督漕至直沽仓潞河决水溢几及仓璧树栅率所部畚土筑堤捍之升昭毅大将军同知淮西道宣慰司事请两淮荒闲之田给贫民耕垦三年而后量收其入从之岁得粟数十万斛升镇国上将军海北海南道宣慰使都元帅大德三年除饶州路总管改广东道宣慰使都元帅山海獠夷不沾王化负固反侧乃诱致诸洞蛮夷酋长假以官位晓以祸福由是咸率众以归除都水监改正奉大夫通州复多水患凿二渠以分水势又浚阜通河而广之岁增漕六十余万石奉命括两淮屯田得疾归镇江而卒年六十六子坤载

明

罗汝敬

按明外史本传汝敬名简以字行吉水人永乐二年进士选庶吉士就学文渊阁成祖召使诵书不称旨即日遣戍江南数日复之自此刻厉为学擢修撰满九载进侍讲仁宗时上言时政十五事忤旨下狱与李时勉同改御史直声震朝廷宣宗初上书大学士杨士奇曰昔太祖高皇帝不阶尺土奄有四海太宗文皇帝义安宗社再造寰区二圣功德如此其盛然犹翼翼兢兢无敢豫怠先皇帝嗣统未及期年奄弃群臣海内之民若丧考妣揆厥所由金壬小人挟怪迂之术售金石之方以口圣躬而速之疾也去冬简以愚戇应诏上书言涉不敬罪当万死蒙先皇帝怜其孤直宽雷霆之诛俾居言路抚躬循省无可称塞伏见今年六月车驾幸天寿山躬謁二陵京师之人

瞻望咨嗟以为圣天子大孝将以称殷礼展孝思也既而道路喧传乃谓礼毕即较猎讲武且云先驱未成列路车不待驾而天闲六龙已载道矣又云扈从惟也先土干与其徒数百人风驰电掣倏去忽来驰逐先后某闻此言心悸口落夫搜苗獮豸固有国之常经然以谒陵出而与降将较猎于山谷间窃谓垂堂之戒衔橛之虞不可不深虑也执事两朝旧臣二圣元辅于此不言则孰得而言之者惟特加采纳以弘靖献之思光弼直之义寻擢工部右侍郎往安南抚谕黎利复再往封陈皓利言皓已死张筵设女乐汝敬叱曰尔主死乃宴乐耶碎其尊罍乐器会天大雨雷震利居室利惧遣使驰谢于朝汝敬还督两浙漕运理陕西屯田多所建置坐受馈下狱寻免死充为事官仍督陕西屯田英宗立遇赦汝敬误引诏书复职复逮系以在陕西措置有劳宥死戍边寻还其官口故任西边有警督饷遇敌红子城中流矢坠马得免以疾告归卒

李昂

按明外史徐镛传先镛督漕运者仁和李昂景州张玮昂字文举景泰中进士历青州知府垦田五千七百余顷赈饥民一百二十万人流亡复业者五万三千家秩将满民状其善政三十四事诣御史乞留已迁福建参政去民思之不置生为立祠历山东河南左右布政使成化末以右副都御史巡抚江西境内盗起立营堡练民兵数有斩获患属吏政弛概以法痛绳之颇兴谤议弘治二年改督漕运逾年罢

张玮

按明外史徐镛传玮字汝器成化初进士擢御史屡迁陕西左布政使弘治改元迁右副都御史巡抚宁夏中官武将多侵据屯田私役健卒玮夺田归军勒私役者还伍部民肃然寻代昂督运生平端谨自守不求人知独为王恕所器重历官清芳不殖生产致政归卒

徐镛

按明外史本传镛字用和兴国人成化五年进士授行人擢御史巡通州仓念漕卒困掊口为定收纳常则奏之着为例时浚大通河镛独疏言不便既而漕舟果不达巡按福建振肃风纪上疏言所部星变地震岁旱海溢灾变非常而岁贡鱼鸟花木大扰民间请赐减免福州建宁二府岁征矿银万三千余两民力绌不能办乞停罢福建僧田一寺或至万亩而贫民无立锥地请自五百亩以上收其半以业贫民盐场诸使旧独不给俸宜如例均给诏贡物如故银课汰十之三余从其请十九年与同官劾罢兵部侍郎李敏辽东巡抚王宗彝太仆卿杨穉少卿霍贵顷之复与同官劾汪直八罪并及其党王越陈钺戴缙张颐吴绶等诸人遂得罪明年正月帝以京师地震下诏修省旋复举庆成宴镛以为非上下交修之义与同官何珅请罢之帝怒命锦衣卫执讯谪镇原知县岁饥言于上官移民就食又祷于神请罚止其身勿为民咎修仓舍得窖钱数十万缗籍之以赈贫乏代流亡输逋课多复业者调繁临潼父老泣送之弘治初用荐擢淮安知府岁侵民饥镛亟修余赈法循行乡邑劝课农桑岁转丰稔穷民无告者劝富室助其婚葬学校圯葺而大之淮故有广盈仓岁收粮止四五万石而设监收内官二人镛疏乞召还不许历迁河南左右布政使十二年以右副都御史总督漕运兼巡抚凤阳四府镛守淮时素知漕政之弊于是劾贪墨惩奸口军民胥悦仅数月卒淮人祀之

杨宏

按明外史本传宏字希仁西安左卫人初为诸生通经史负才气后嗣世职本卫指挥使弘治初擢掌卫事练士马均力役抑豪强军政清肃部下有诉失马者宏曰去盗将还汝明日果遗马空室中以才檄守红城寻守备固原十四年小王子大举入寇官军败绩于孔坝沟宏罪当戍总制秦紘为言乃命立功自赎后杨一清为巡抚复荐宏知兵诏授指挥僉事隶一清部下正德二年再以荐擢署都指挥僉事复守

备固原一清筑边墙宏经度有劳寻改掌陕西都司事汉南盗起讨平之以右参将协守松潘五年冬就擢副总兵番酋雪郎王为乱督兵擒斩以徇明年大盗鄢本恕等猖獗进宏署都督僉事充总兵官移镇成都已本恕就擒方四自贵州来犯宏等遣兵讨破之贼复奔贵州又明年宏督都指挥李荫副使张敏等击贼廖麻子曹甫于营山蓬州间贼大败斩首千三百有奇既而廖麻子并有甫众连陷荣昌铜梁绵竹乐至金堂诸县宏军数败被劾落职闲住十年用荐起故官僉书南京右府武宗储位尚虚宏以为言不报明年召入后府分典三千营操练世宗嗣位充总兵官督漕运镇守淮扬时漕政多坏宏细心经画多所厘正漕舟故有轻银为舟车僦费后尽入之官致领运者益困以宏请还给如故事漕舟至通州典仓吏卒例索苇席费虽少繁积不赀宏悉禁止居六年进署都督同知仍领漕事宏以天下军官五年一黜陟独漕运官户兵二部岁一考选抚按官辄行更置而五岁大计复预致斥汰者众领运缺人请自今岁一报绩三年考选免其五年大计从之淮安大饥建请节民力宽商税弛盐禁减漕粮复乞帑金易米煮糜存活万人九年改僉书南京中府淮父老泣送载途寻为都给事中张润身等所劾诏罢归道出淮安部下军民相率涕泣追送立生祠祀焉

刘玺

按明外史本传玺字廷守南京龙骧卫人幼有孝行为诸生力学袭世职指挥同知掌部旗手诸卫漕粮江彬以货畀领运者令散漕卒而倍增其息玺置一棺舟中右持刀左招彬使瞋目呼曰犯吾舟必杀若言已嚼齿欲碎其人惧而走累进都指挥僉事嘉靖初改掌江西都司寻擢参将协同督运玺历官自常俸外不入一钱时以青菜刘称之十三年督漕总兵官缺人所司以玺名上帝喜曰是穷刘也即擢都督僉事任之□事五年先后条漕政便宜三十余疏军民咸德之改僉书南京前府二十二年再被命督漕

中谗被劾罢归装萧然书数卷而已

傅希摯

按明外史本传希摯衡水人累官右佥都御史巡抚山东隆庆末户部以饷乏议裁山东河南民兵希摯争之而止改总理河道以茶城淤塞开梁山以下穿洋山出右洪口万历五年进右副都御史巡抚陕西已迁户部右侍郎坐陇右矿贼未靖论罢起总督漕运历南京户兵二部尚书召理戎政以老被劾加太子少保致仕

王宗沐

按明外史本传宗沐字新甫临海人嘉靖二十三年进士授刑部主事与同官李攀龙王世贞□以诗文相友善宗沐尤习吏治历江西提学副使修白鹿洞书院引诸生讲习其中三迁山西右布政使所部岁侵宗沐因入覲上疏曰山西列郡俱荒太原尤甚三年于兹百余里不闻鸡声父子夫妇互易一饱命曰人市宗禄八十五万累岁缺支饥疫死者几二百人夫山西京师右掖自故关出真定自忻代出紫荆皆不过三日宣大之粮虽派各郡而运本色者皆在太原饥民一聚蹂践劫夺岁供宣大两镇六十七万饷谁为之办此可深念者一也四方奏水旱者以十分上部议常裁而为三所免不过存留者而已今山西所谓存留者二镇三关之输也其所谓存留乃反急于起运是山西终不蒙分毫之宽此可深念者二也开疆万山之中岩阻巉绝太原民不得至泽潞安望就食他所独真定米稍可通然背负车运率二斗而致一斗甫至寿阳则价已三倍矣是可深念者三也饥民相聚为盗招之不可势必扑杀小则支库金大则请内帑与其发帑以赏杀盗之人孰若发帑使不为盗此可深念者四也近丘富往来诱惑边民妄传募人耕田不取租税愚民何知急不暇择长边八百余里谁要之者彼诱而众我逃而虚此可深念者五也因请缓征逋赋留河东新增盐课以给宗禄改广西左布政使再补山东隆庆五年给事中李贵和请

开胶莱河宗沐以其功难成不足济运遗书中朝止之拜右副都御史总督漕运兼巡抚凤阳极陈运军之苦请旨优恤又以河决无常运道终梗欲复海运上疏曰自会通河开浚以来海运不讲已久臣近官山东尝条斯议巡抚都御史梁梦龙毅然试之底绩无壅而虑者辄苦风波夫东南之海天下众水之委也茫渺无山趋避靡所近南水暖蛟龙窟宅故元人海运多惊以其起自太仓嘉定而北也若自淮安而东引登莱以泊天津是谓北海中多岛屿可以避风又其地高而多石蛟龙有往来而无窟宅故登州有海市以石气与水气相搏映日而成石气能达于水面以石去水近故也北海之浅是其明验可以佐运河之穷计无便于此者因条上便宜七事明年三月遂运米十二万石自淮入海五月抵天津叙功与梦龙俱进秩赐金币而南京给事中张焕言比闻八舟漂没失米三千二百石宗沐预计有此私令人余补夫米可补人命可补乎宗沐掩饰视听非大臣谊宗沐疏辨求勘诏行前议习海道以备缓急未几海运至即墨飓风大起覆七舟都给事中贾三近御史鲍希颜及山东巡抚傅希摯俱言不便遂寝时万历元年也宗沐以徐邳俗犷悍多奸猾滨海盐徒出没六安霍山矿贼窃发奏设守将又召豪侠巨室三百余人充义勇责令捕盗后多以功给冠带迁南京刑部右侍郎召改工部寻进刑部左侍郎奉口阅视宣大山山西诸镇边务母丧归九年以京察拾遗罢不叙居家十余年卒赠刑部尚书天启初追谥襄裕子士崧士琦士昌从子士性皆进士士崧官刑部主事士琦历重庆知府播州宣慰使杨应龙叛承总督邢玠檄躬往松坎抚定之遂进兵备副使治其地寻以山东参政监军朝鲜有功超擢河南右布政使坐应龙复叛降湖广右参政历山东右布政使佐余宗浚封顺义王进秩赐金擢右副都御史巡抚大同被劾拟调未几卒士昌由龙溪知县擢兵科给事中寇犯固原甘肃方议诸将罪而延绥两以捷闻兵部请告庙宣

捷士昌奏止之改礼科矿税兴疏言近日御题黄熏遍布关津圣旨朱牌委部屋遂使三家之村鸡大悉尽五都之市丝粟皆空且税以店名无异北齐之市肆官从内遣何啻西苑之斜封不报二十九年帝将册立东宫而故缓其期士昌偕同官杨天民极谏谪贵州镇远典史屡迁大理右丞署事与张问达共定张差狱旋进右少卿擢右佥都御史巡抚福建卒

王廷瞻

按明外史本传廷瞻字稚表黄冈人父济参政廷瞻举嘉靖三十八年进士授淮安推官入为御史督畿辅屯政穆宗在裕邸欲易庄田廷瞻不可隆庆元年所部久雨请自三宫以下及裕府庄田改入干清宫者悉蠲其租诏减十之五已言勋戚庄田太滥请于初给时裁量田数限其世次爵绝归官制可巡按四川还朝高拱再辅政廷瞻尝论拱遂引疾归神宗立起故官旋擢大理丞历太仆卿万历五年以右佥都御史巡抚四川番屡犯松潘令副使杨一桂总兵官刘显剿之歼其魁群蛮纳款风村白草诸番久踞二十八寨率男妇八千余人来降复命总兵显讨建昌傀口洗马姑宰铁口诸叛番皆献首恶出降增俸一级进右副都御史抚南赣入为南京大理卿历两京户部左右侍郎以右都御史出督漕运兼巡抚凤阳诸府宝应汜光湖堤蓄水济运平江伯陈瑄所筑也下流无所泄决为八浅汇成巨潭诸盐场皆没淮流复奔入势益汹涌前巡抚李世达等议开越河避其险廷瞻承之凿渠千七百七十六丈为石闸三减水闸二石堤三千三十六丈子堤五千三百九十丈费公帑二十余万八月竣事诏旨褒嘉赐河名弘济进廷瞻户部尚书巡抚如故寻改南京刑部尚书未卜乞归久之卒赠太子少保兄廷陈见文苑传

谢杰

按明外史本传杰字汉甫长乐人万历二年进士除行人偕光禄少卿萧崇业册封琉球却其馈赆既还朝其使入谢仍以金馈卒言于朝而返之以奉使劳

擢光禄丞进少卿署寺事内庭有宣索多执奏历两京太常少卿故事南京岁祀懿文太子凡九率以祠祭署官奉祀杰言祝版署御名而遣贱者将事于礼为请如哀冲庄敬二太子例遣列侯代帝是之乃用南京五府金书官累迁顺天府尹二十一年以右副都御史巡抚南赣时属吏被荐者多贿谢杰曰贿而后荐干戈之盗荐而后贿衣冠之盗人以为名言进南京刑部右侍郎二十五年春杰以帝荒于政事疏陈十规言前此媚于两宫色养维一今则定省久旷庆贺亦疏孝安太后发引并不亲送前此太庙时飧罔弗躬亲今则每飧皆代前此经筵临御圣学日勤今则讲官徒设讲席久虚前此宵衣戒旦披星视朝今则高拱深居累年不出前此早魃为虐步祷郊坛今则圜丘大报久缺斋居宸宫告灾亦忘修省前此四方旱涝多发帑金今则采矿榷税宇内骚然前此用财有节府库充盈今则岁进月输度支告匮而江右之磁江南之纁西蜀之扇关中之絨率取之逾额前此乐闻谏言奖用直谏今则封事甫陈严纶随降但经废弃永不赐环前此抚恤宗室恩义有加今则楚藩见诬中珰旋出以市井奸宄间骨肉懿亲事既乌有刑犹缓加前此官盛任使下无旷官今则大僚屡虚庶官不补政事怠废百职不熙是陛下孝亲尊祖好学勤政敬天爱民节用听言亲亲贤贤皆不克如初也不报召为刑部左侍郎三十年冬擢户部尚书督仓场时四方遇灾率请改折是岁漕粟至者视旧额仅三之一杰大以为忧请岁运必三百万以上方许议折毋借口灾伤轻隳祖制从之明年杰以漕舟逾期不至为斋沐虔祷是冬河冰不合舟得毕达人以为异又明年暴疾卒官初杰父教谕廷袞家居老矣族人假其名逋赋县令赣人刘禹龙言于御史逮之杰代讯几毙后抚赣未尝修衅时服其量

漕使部艺文一

送水陆运使韩侍御归所治序 唐韩愈

六年冬振武军吏走驿马诣阙告饥公卿廷议以转

运使不得其人宜选才干之士往换之吾族子重华适当其任至则出赃罪吏九百余人脱其桎梏给耒耜与牛使耕其傍便近地以偿所负释其粟之在吏者四十万斛不征吏得去罪死假种粮齿平人有以自口莫不涕泣感奋相率尽力以奉其令而又为之奔走经营相原隰之宜指授方法故连二岁大熟吏得尽偿其所亡失四十万斛者而私其赢余得以苏息军不复饥君曰此未足为天子言请益募人为十五屯屯置百三十人而种百顷令各就高为堡东起振武转而西过云州界极于中受降城出入河山之际六百余里屯堡相望寇来不能为暴人得肆耕其中少可以罢漕挽之费朝廷从其议秋果倍收岁省度支钱千三百万八年诏拜殿中侍御史锡服朱金银绯其冬来朝奏曰得益开田四千顷则尽可以给塞下五城矣田五千顷法当用人七千臣令吏于无事时督习弓矢为战守备因可以制卤庶几可谓兵农兼事务一而两得者也大臣方持其议吾以为边军皆不知耕作开口望哺有司常僦人以车船自他郡往输乘沙逆河远者数千里人畜死蹄踵交道费不可胜计中国坐耗而边吏恒苦食不继今君所请田皆故秦汉时郡县地其课绩又已验白若从其言其利未可遽以一二数也今天子方举群策以收太平之功宁使士有不尽用之叹怀奇见而不得施設也君又何忧而中台士大夫亦同言侍御韩君前领三县纪纲二州奏课常为天下第一行其计于边其功烈又赫赫如此使尽用其策西北边故所没地可指期而有也闻其归皆相勉为诗以推大之而属余为序

□荆湖北路转运判官徐敷 宋徽宗

朕分道置使参总漕输聿求通敏之才以重耳目之寄尔性资英迈智识该明早见推称宜加试用自湖而北民物阜繁比岁丰登财赋甚广均调用度兼裕公私资尔心计之良副朕简抡之意无忘夙夜嗣有宠升

淮南转运使谢上表

苏颂

窃以州郡备官所以分厘于民务朝廷遣使将以布宣乎主恩付一道之事权用六条而举察赋輿出入俾以均输吏治否臧责之荐黜自匪绵更于事任讵能振肃于治纲若臣者始自书坊出分使竹俄从褰服入佐计筹粗收岁月之劳蔑着分毫之□岂谓伏遇皇帝陛下察庶工之任使矜人职之良勤拔于省僚授以利柄矧惟淮海之郡实搯东南之冲昔号奥区今逢乐岁五稼盈畴而遂茂庶人勤力以厚生料乎漕运之程无烦趣办之急若乃事体貌以为风采尽铄两以敛民财顾在懦愚诚多阙略重念上慈天覆圣治日新官无内外之储事息忧勤之系昨臣受任之始获面于清光陛下临遣之言曲加于勉谕自省最为疏远何图亦记渊衷岂非以委任之优故特示拊循之厚虽乾坤厚施非报谢之可言而犬马微生第勋劳而思奋倘驰驱之有用期终始以勿渝

谢除成都转运表

唐庚

岭表观风已惭治□坤维按漕复玷宠灵引组知荣抚襟增腆伏念臣单贫冷系迂暗常才虽怀许国之孤忠非有过人之奇节偶缘冗宦被遇先皇擢任监僚猥承人乏出分使指益愧食浮纔自脱于殿刑蔑可书之最目谬膺渙渥重忝皇华鼠能已尽于五穷铅刀何堪于再割鸿恩未报俄惊重鼎之成浚哲肇兴尚念遗簪之旧遂容尸素未即弃捐伏遇陛下至健行天大明出震开并采兼收之路隆太平极治之基至此冥顽累蒙委寄粹美未瞻于天日狂私已佩于丘山敢不续短裨长免祸为福登车兴叹虽微孟博之才叱驭遂行姑励王尊之节锱铢可□糜粉为期

河北余使到任谢表

汪藻

久迁郎选甘为幞被之行擢领使华叨奉资粮之寄□命朝离于魏阙迎亲夕至于封陲恩本曲成荣逾始愿伏念臣向缘朴学冒处周行甫辞州县之徒劳即玷朝廷之临遣寂无称□积有悔尤黜持江外之

麾收预省中之籍繫上皇保全之厚嗟孤生报塞之
难逮诸烦使之乏人复以薄材而奉诏唯河朔襟喉
之地实兵屯飞挽之冲欲贸新陈长有余而实塞当
权轻重无甚贱以伤农方大计之仰成岂至愚而能
办伏遇陛下鼎新庶政钧播群材因时内外而试以
百为随器方圆而取之数路顾断断鼠穷之技虽匪
才堪然拳拳乌哺之情可无禄养未投闲散仍获便
安臣敢不力口涓埃无忘夙夜金汤积粟上宽当宁
之顾忧犬马依人日俟乘轺之归报

辞免湖南运使状一

朱熹

右熹十月九日准尚书省札子奉圣旨除熹荆湖南
路转运副使填见阙不候受告疾速之任任满前来
奏事熹闻命震惊罔知所措已于当日望阙谢恩讫
伏念熹前任假守漳州适缘长男物故辄丐闲秩归
治丧葬蒙恩得备祠官到任方及月余凡百经营未
有次第加以忧患摧颓精力衰耗虽欲痛自策励勉
赴事功终恐无以仰称使令之意欲望朝廷特为敷
奏收还成命令熹且食祠禄以终余年不胜千万幸
甚谨具状申尚书省伏候钧旨

与宰执札子

前人

熹辄有愚恳仰干公听熹昨以私家患难乞归治葬
伏蒙矜怜铸祠禄今来到任方及一月贫家举动
费力凡百尚未就绪今者忽被圣恩付以湖南将漕
之节仰体皇慈不遗孤远之意不胜感荷激切之至
然熹之家事如前所陈而忧患以来精力雕耗窃恐
无以仰副使令自速罪戾欲望某官特赐敷奏收还
成命令熹且食祠禄以终余年则熹不胜千万幸甚
冒渎威严俯伏口罪

辞免湖南运使状二

前人

右熹昨具状辞免新除荆湖南路转运副使恩命近
准尚书省札子奉圣旨不许辞免仍依已降指挥疾
速之任熹已于当日望阙谢恩讫仰戴皇慈容覆之
深恭体圣训丁宁之切极知臣子之义不当复以家
事为辞便欲起发前去祇服职事以称明诏顾窃惟

念昨者蒙恩假守漳州伏值圣旨行下臣僚申请乞行本州经界令熹相度闻奏熹窃见本州绍兴年中经界良法方行遽罢贫民产去税存不堪追呼之扰富家业多税少益长兼并之势后来朝廷节次欲再举行皆以豪右浮言阻挠而辍积至于今苦乐不均公私受弊有害国家发政施仁之实日甚一日无有穷已是以不胜愤懣即以己见论其当行本路诸司审此曲折亦已条具申奏伏蒙圣恩特从所请贫民下户欣幸方深而乡官土豪已惨然不乐怨谤口起矣今者果闻已行住罢静惟厥咎由熹愚昧思虑不审上误朝廷得追诛夷己为幸免更叨宠擢益紊彝章熹虽不才粗识廉耻诚无心复口奔走无颜复临吏民不宜复当委寄辄冒万死自劾以闻伏望公朝特赐敷奏收还除命重行黜责以为不度时势生事扰民之戒谨具状申尚书省伏候钧旨

与宰执札子

前人

熹辄罄愚衷再干洪造熹昨以私家丧葬未毕恳辞湖南之行伏蒙圣恩未赐俞允仰惟诏令督遣之严俯念臣职驱驰之贱不敢更以家事为讲自求便安惟是伏思见识迂口思虑浅短中间被旨相度经界不量事势上误朝廷负犯已深何以复堪一道耳目之寄辄已具状申省自劾欲望钧慈俯垂听察特为敷奏收还成命重赐黜责使得退省前愆免罹后咎则熹不胜千万幸甚

辞免湖南运使状三

前人

右熹今月二十日准尚书省札子以熹具状自劾前任漳州相度经界不合妄乞施行上误朝听乞赐敷奏收还湖南转运副使除命别行黜责奉圣旨漳州经界议行已久湖南使节事不相关可依已降指挥疾速之任者自罹罪戾当伏重诛上赖皇慈曲加容覆不惟赦其万死而又申以训词慰谕丁宁趣令之任盖虽慈父之于爱子其恩勤悯惻不过如此在熹一介口远庸贱何以堪之是以闻命拜恩至于感泣便欲即日就道祇服厥官以称明诏而熹命穷福薄

灾病相延旧苦脚气今春发动肿痛寒热倍于常年目今困重未能步履设使从今便得减差更加休养三数月间亦恐未堪上道旷日弥久既乖承命之恭而本司阙官已是数月恐亦不无废务在熹愚分尤所未安欲望朝廷特赐敷奏令熹补满旧任宫观差遣庶几得以深省前愆免罹后咎不胜幸甚谨具状申尚书省伏候钧旨

与宰执札子

前人

熹辄输贱诚上渎钧听熹昨以前任妄议经界罪戾自劾乞罢新除湖南将漕恩命伏蒙圣慈赦宥洗雪趣遣之官训喻丁宁反复勤至口贱小臣何以得此所宜即日引道以称所蒙而脚气发动异于常年晓夕呻吟不能履地委实不容起发前去窃虑久稽诏命仰触雷霆之怒已具状申尚书省陈乞祠禄外区区愚悃欲望钧慈怜悯早赐开陈得谐卑愿以活余年千万幸甚冒昧威严俯伏口罪

辞免江东运使状一

前人

右熹见任主管西京嵩山崇福宫忽于今年九月准尚书省札子奉圣旨朱熹除江东转运副使填见阙不候受告疾速之任任满前来奏事熹闻命震惊不知所措伏念熹空口无取疾病早衰入仕四十余年止是循常窃禄本无奇节可以逾人徒以屡蒙恩私横加除用间有非其分之所当得与其力之所能堪者不得不控辞以干朝听而传闻不察指目多端独荷寿皇天日之照临许全素守又辱圣主云章之藻饰误借宠褒遂得偷安里闾毕愿香火在于愚分已极叨逾不谓圣恩记怜遂加任使仰惟始初清明之日正是贤智驰骛之秋顾虽残废之余岂不愿效尺寸实以积衰既久百恙交攻心剿形疲视昏听重窃自揣度决然不堪一路耳目之寄若不祈哀丐免必致自取颠隮兼熹祖乡徽州正属本路见有坟墓宗族田产在婺源窃虑在法亦合回避欲望朝廷洞照本末曲为敷奏特与追寝新命令熹复还故官庶几少安愚贱之迹则熹不胜千万幸甚谨具状申尚书

省伏候钧旨

与宰执札子

前人

熹辄有愚诚仰千崇听今者伏蒙圣恩除熹江南东路转运副使此盖庙堂光辅圣主图起治功既已并用群材不忍独遗一士之意非特熹之私幸然熹以久病积衰目昏耳重心力雕残动多遗忘自度不堪公朝一道之寄已具状申尚书省乞赐敷奏寝罢去讫其间所陈病证皆有实迹不敢辄有一词之伪至于坟墓田产有嫌当避理亦明甚欲望洪造矜怜早赐将上曲为开陈使得依旧窃食祠官以安贱迹实熹疾病孤危千万之幸干冒威尊不胜俯伏震惧之至

辞免江东运使状二

前人

右熹十月二十一日准尚书省札子据熹辞免新除江南东路转运副使恩命及回避祖乡田产事十月五日奉圣旨免回避依已降指挥疾速之任熹已于当日望阙谢恩讫窃闻臣之事君犹子事父东西南北惟命之从熹虽至愚敢忘斯义又况平生碌碌初无奇节今者该遇覃恩转官改赐章服并是随众陈乞冒昧祇受岂敢独于圣恩除授差遣乃饰它词固为逊避上干违命之诛下速近名之谤实以衰病支离不容勉强且于众疾之中目昏为甚今但拜官入境便有吏民诉讼遮拥道路百十为群若但草草一观备礼拨遣即于愚心有所未安若欲子细披阅必期有以上副使令下慰民望则熹之目力实所不堪未论其它职业旷废只此一事便见口虞在熹孤踪固难逃于吏议而于公朝推择之意亦岂不至上累圣明反复思维益增惶惧不免复此控诉祈免误恩欲望朝廷特赐敷奏令熹仍旧奉祠窃禄以安愚分干冒威尊下情不任战灼之至谨具申尚书省伏候钧旨

与宰执札子

前人

熹辄布腹心仰干造化熹昨蒙圣恩擢贰江东将漕之寄自度衰朽不堪任使且有故里之嫌恐招物议

即已具状辞免今乃蒙恩特免回避仍令疾速之任
仰承隆指感极涕零但熹众疾所攻目眚为甚受理
词诉搜寻案牒皆有所不堪者窃恐黽勉到官必致
旷阙上误委寄为罪益深已有公状申尚书省欲望
钧慈特赐将上冀蒙圣慈矜悯追寝前命仍祠禄
以安愚分则熹区区不胜幸甚干渎崇严无任俯伏
俟命之至

与宰执札子

前人

熹辄以私恩仰干公听熹昨者恳辞江东恩命已蒙
圣恩改郡级此盖庙堂矜怜衰朽曲赐陶镕有以
及此幸甚幸甚但熹所苦目疾比复增剧自度决然
不任郡事已具状申省乞许辞免若蒙矜怜令熹依
旧奉祠固为幸甚或与改一闲慢差遣使得少效微
劳仰承德意而免于旷职殃民之罪则于熹亦为幸
甚屡渎威严俯伏战汗

贺诸葛提刑除漕启

刘克庄

州选名儒就升计使虽三山父老惜郎宿之暂移然
七聚生灵幸福星之未改统临所暨扑蹈惟均恭惟
某官气塞两间名高九牧地负海涵之气贯穿百家
日光玉洁之文流传万口科目足以发身而易退难
进才业足以用世而深藏若虚晚遇先皇寢陪群彦
登车湖峤凛白芷之风馨回首阙庭怅苍梧之云远
属者睿明继照耆旧且思乃从故楚之区来按全闽
之境闻其风旨则善良吐气挹其标致则鄙暴革心
于和气祥云之中有严霜烈日之意兹移使指就驾
漕车得非煮摘利饶转输权重上于盐铁之论有感
方欲变通公于王霸之辨素严必知取予深鄙富强
之说痛惩聚敛之人养基本以厚黎元捐锥刀以惠
商贾承风问俗修明此日之皇华足国裕民讲贯他
时之相业伫看环召式遄袞归某猥以孤生试兹剧
邑虽终年劳苦无赫赫之可书然一念拊摩有苍苍
之在上日者躬负弩矢郊迎绣衣初乏先容颇垂异
顾方念寒踪之奚托所欣春脚之潜回繄昔教条谨
遵承于下邑矧今命脉实操制于上台矫首云天委

身造化愿悯负山之力少推煮海之波同渊明归去
之风岂胜有愧处孟博澄清之下或可无忧

江东漕谢到任表

真德秀

两螭夹侍久点近班四牡载驰叨分剧部假中秘隆
儒之宠为外台将指之光望过所期感深以惕伏念
某才非适用幸有逢辰属汉廷更化之初首唐室登
瀛之选金銮夜直承密命者六期玉陛晨趋对清光
于再稔凡吮墨濡毫之任皆振缨峨弁其间吏责既
稀所愿优游于迓列王恩未报宁忘眷恋于本朝其
如亲闱喜惧之年当谨人子温清之职辄援公辅辞
翰林之请庶几潘岳奉板輿之欢分太守之符日须
成命出少府之节遽沐殊恩怀章而过里门阅宿而
临封部敬卜中和之节重宣宽大之书轺传初驰旄
倪争睹谓朝廷所以辍柱下之史盖圣主所以安江
左之民因博采于风谣颇究知其疾苦以垂罄之家
而困追呼之日以屡丰之岁而多流徙之人官无足
证之簿书里有难平之徭役文移星火不胜胥吏之
诛求牒诉丘山半为赋租之烦重兴言及此勿救可
乎辄殚朝夕之咨諏兼体公私之缓急赋难遽省盍
渐捐赋外之征民未易苏当先去民间之口窃自量
其绵薄恐终负于选抡敢不以阜俗为阜财之方以
悦民为悦亲之本灌输所仰愧初无鞭算之能搏节
是先惟敬佩玉音之训

贺张漕改秩启

史百礼

骤驾转漕久膺烦使飞邮传命新陟崇阶荣居六品
之班光动二星之彩宾朋庆慰郡国欢呼凡属奖题
率增抃蹈恭惟某官天球荐瑞岳镇储灵乡评群行
之宗笔阵万人之敌鹏程易举骥足难留阅枢府之
牙签卷王宫之绛帐便亲东海出开千里之藩持节
夜郎入奏九年之绩英声腾达凤望巍昂正柱下之
法冠明陝中之刑鼎肃将忠敏历践清华尚虚西掖
之除复领东州之节云梯石栈不辞蜀道之难流马
木牛远访草庐之制惠风扇物游刃发硎奋澄清之
志于揽辔之中讲水陆之运于凿潭之始苏一方之

疲瘵权万货之低昂非独有观风听吏之才又能善
富国强兵之术久劳心计简在睿思降一札之玺书
嘉三年之课最优加赏典荣进勋阶汪洋玉册之恩
炳焕绣衣之宠表微一级虽含览鉴之情车相九迁
应有封侯之地甘泉上计宣室见思即趋曳玉之班
行慰弹冠之望某鲤庭余子管席旧游栖迟黄绶之
踪偃仰赤衡之影官资冷落几成梅福之狂客路穷
愁常恐长卿之病追想下车之揖侧聆增秩之荣擢
管操觚望风引领金兰不改既协世契之私燕雀有
依敢后厦成之贺

漕使部艺文二

诗

送元中丞转运江淮

唐王维

薄赋归天府轻徭赖使臣欢沾赐帛老恩及卷绡人
去问珠官俗来经石春东南御亭上莫使有风尘

奉和刘相公江淮催转运

钱起

国用资戎事臣劳为主忧将征任土贡更发济川舟
拥传星还去过池凤不留唯高饮水节稍浅别家愁
落叶淮边雨孤山海上秋遥知谢公兴微月上江楼

送王瞻叔利路运判

宋王安石

王孙旧读五车书手把山阳太守符未驾朱轡辞鞶
鞶却分金节佐均输人才自古常难得时论如君岂
久孤去去便看归奏计莫嗟行路有崎岖

再至京口寄漕使曹郎中

前人

漂流曾落此江边忆与诗翁赋浩然乡国去身犹万
里驿亭分首已三年北城红出高枝靚南浦青回老
树圆还似昔时风露好只疑谈笑在君前

谢鲜于君

苏轼

我怀元佑初珪璋满清班维时南隆老奉使独未还
迂叟向我言青齐岁方艰斯人乃福星遣出虚危间

郑工部陕西随军转运

杨亿

西鄙搀抢未扫除营平慷慨请行初三军粒食资心
计一月星邮待捷书宣室喜闻延贾谊茂陵久叹滞
相如谤言盈篋亲曾见反间千金计岂□遗爱道傍

喧竹马先声塞外慑穹庐冯唐莫叹淹郎署博望还
忻拥使车陇右行收万里地关中坐致九年储牙筹
羽檄皆吾事才思飘飘两有余

送韩希道移漕江东 周必大

馈饷随萧不作难秦淮今视汉秦关天开虎踞龙蟠
处地近鸡翘豹尾间洗印先经三峡寺观风偏踏九
华山尽收奇秀归诗稿却听麋供奉班

送周元吉显谟将漕湖北 杨廷秀

君诗日日话归休忽解西风一叶舟黄鹤楼前作重
九水晶宫里过中秋职亲六阁仍金马喜入千屯看
木牛绣斧光华谁不羡一贤去国欠人留

送陈鲁叟使君赴广西漕 刘克庄

阖郡留无计□□夺父师使君三月政遗老百年思
远宦生华发轻装裁旧碑海山应有恨未得谢公诗

送浙省都事曹德辅运粮北上 明贝琼

屯田未开岁未熟白粲一金纔一斛将军初下山东
城使者复转江南粟飓风五月西南回黄龙朱雀一
时开雷霆夜捶海若死云雾昼合天妃来黑洋北去
五千里直沽近接金河水内廷传□赐宫壶侍臣出
报龙颜喜

运夫谣送方文玉督运 边贡

运船户来何暮江上旱风多春涛不可渡运船户来
何暮里有闸外有滩断篙折缆愁转盘夜防虫鼠日
防漏粮册分明算升斗官家但恨仓廩贫不知淮南
人食人官家但知征戍苦力尽谁怜运船户运船户
愿勿哀司农使者天边来

送王户部督饷延绥 董应举

延绥旧在绥德控制河套为易今在榆林失险矣
米珠草桂骆驼城一线鱼河百万兵不信受降终隔
鹵可能绥德更移旌黄河漠漠笳声壮朔气凄凄铁
骑鸣谁继旧时崔少保直将输挽作长缨

新秋同郡僚南旺舟中作 石九奏

皇家输挽浮千舸水国蒹葭寄一旌灯火窥邻群语
细星辰满座片怀明舟师计候家全载估客喧风夜

半行不寐每思波浪恶徒惭禄食一身轻

漕使部纪事

史记平准书孝文时匈奴数侵盗北边屯戍者多边粟不足给食当食者于是募民能输及转粟于边者拜爵爵得至大庶长

汉书息夫躬传哀帝即位躬为光禄大夫天子使躬持节领护三辅都水躬立表欲穿长安城引漕注太仓下以省转输议不可成乃止

朱博传博字子元杜陵人家贫少时给事县为亭长稍迁为功曹伉侠好交历曹史列掾出为督邮书掾大将军王凤举为栌阳令迁冀州刺史徙并州刺史护漕都尉

后汉书寇恂传光武南定河内拜恂河内太守行大将军事光武谓恂曰河内完富吾将因是而起昔高祖留萧何镇关中吾今委公以河内坚守转运给足军粮率厉士马防遏他兵勿令北度而已光武于是复北征燕代恂移书属县讲兵肄射伐淇园之竹为矢百余万养马二千匹收租四百万斛转以给军及光武上尊号即位时军食急乏恂以辇车骊驾转输前后不绝尚书升斗以口百官帝数策书劳问

邓训传训永平中理滹沱石臼河从都虑至羊肠仓欲令通漕太原吏人苦役连年无成转运所经三百八十九隘前后没溺死者不可胜算建初三年拜训谒者使监领其事训考量隐括知大功难立具以上言遂罢其役更用驴辇岁省费亿万计全活徒士数千人

蜀志李严传严改名平九年春亮军祁山平催督运事秋夏之际值天霖雨运粮不继平遣参军狐忠督军成藩喻指呼亮来还亮承以退军平闻军退乃更阳惊说军粮饶足何以便归欲以解己不办之责显亮不进之愆

贾逵传文帝即位以逵为豫州刺史逵遏鄢汝造新陂又断山溜长溪水造小弋阳陂又通运渠二百余里所谓贾侯渠者也

晋书张华传华武帝时拜中书令帝谋伐吴将大举以华为度支尚书量计运漕决定庙算

魏书陆俟传俟长子显祖时封建安王车驾亲讨蠕蠕诏为选部尚书录留台事督兵运粮一委处分

隋书宇文恺传高祖践阼以恺领营新都副监后决渭水达河以通运漕诏恺总督其事

苏孝慈传高祖受禅拜孝慈为太子右卫率明年上于陕州置常平仓转输京下以渭水多沙流乍深乍浅漕运者苦之于是决渭水为渠以属河令孝慈督其役渠成上善之

文帝本纪开皇四年九月乙丑幸霸水观漕渠赐督役者帛各有差

阎毗传炀帝嗣位毗拜起部郎帝将兴辽东之役自洛口开渠达于涿郡以通运漕毗督其役

册府元龟武德二年闰二月太府少卿李袭誉运剑南之米以实京师八月扬州都督李靖运江淮之米以实雒阳

贞观十七年令太仆少卿萧锐于河南道诸州转粮入海

旧唐书韦挺传挺为太常卿贞观十九年将有事于辽东择人运粮马周奏挺才堪粗使太宗从之挺以父在隋为营州总管有经略高丽遗文因此奏之太宗甚悦谓挺曰幽州以北辽水二千余里无州县军行资粮无所取给卿宜为此使但得军用不乏功不细矣以人部侍郎崔仁师为副使任自择文武官四品十人为子使以幽易平三州骁勇二百人官马二百匹为从诏河北诸州皆取挺节度许以便宜行事太宗亲解貂裘及中厩马二匹赐之挺至幽州令燕州司马王安德巡渠通塞先出幽州库物市木造船运米而进自桑干河下至卢思台去幽州八百里逢安德还曰自此之外漕渠壅塞挺以北方寒雪不可更进遂下米于台侧权贮之待开岁发春方事转运度大兵至军粮必足仍驰以闻太宗不悦诏挺曰兵

尚拙速不贵工迟朕欲十九年春大举今言二十年运漕甚无谓也乃遣繁峙令韦怀质往挺所取度支军粮检覆渠水怀质还奏曰挺不先视漕渠辄集工匠造船运米即下至卢思台方知渠闭欲进不得还复水涸乃便贮之通达平夷之区又挺在幽州日致饮会实乖至公陛下明年出师以臣度之恐未符圣策太宗怒令将作少监李道裕代之

唐书姜师度传神龙初师度为易州刺史循魏武帝故迹并海凿平卤渠以通饷路罢海运省功多

齐澣传开元二十五年澣迁润州刺史充江南东道采访处置使润州北界隔吴江至瓜步尾纡汇六十里船绕瓜步多为风涛之所漂损澣乃移其漕路于京口塘下直渡江二十里又开伊娄河二十五里即达扬子县自是免漂损之灾岁减脚钱数十万又立伊娄埭官收其课迄今利济焉

王绍传包佶领租庸盐铁使署判官时李希烈阻兵江淮输物留梗乃徙饷道自颍入汴绍入关德宗已西狩乃督轻货趣间道走洋州绍先见行在帝劳之曰吾军乏春服朕且衣裘奈何绍流涕曰佶遣臣贡奉无虑五十万当即至帝曰道回远经费方急何可望邪后五日继至由是纾难

韩滉传滉为镇海军节度使绥辑百姓均租调不逾年境内称治帝在奉天淮汴震骚滉训士卒分兵戍河南既狩梁州又献缣十万匹请以镇兵三万助讨贼有诏嘉劳进检校尚书右仆射封南阳郡公李希烈陷汴州滉遣裨将王栖耀李长荣柏良器以劲卒万人进讨次睢阳而贼已攻宁陵栖耀等破走之漕路无梗完靖东南滉功多时里胥有罪辄杀无贷人怪之滉曰袁晁本一鞭背史禽贼有负聚其类以反此辈皆乡县豪黠不如杀之用年少者惜身保家不为恶又以贼非牛酒不啸结乃禁屠牛以绝其谋婺州属县有犯令者诛及邻伍坐死数十百人又遣官分察境内罪涉疑似必诛一判辄数十人下皆愁怖闻京都未平乃闭关梁禁牛马出境筑石头五城自

京口至玉山毁上元道佛祠四十区修坞壁起建业抵京岷楼雉相望以为朝廷有永嘉南走事置馆第数十于石头城穿井皆百尺命偏将丘洊督役日数千人洊虐用其众朝令夕办先世丘垄皆发夷造楼舰三千柁以舟师由海门大阅至申浦乃还追李长荣等归以亲吏卢复为宣州刺史增营垒教习长兵毁钟铸军器陈少游在扬州以甲士三千临江大阅滉亦总兵临金山与少游会以金缗相饷酬然滉握强兵迁延不赴难而调发粮帛以济朝廷者襁属当时实赖之李晟方屯渭北滉运米馈之船置十弩以相警捍贼不能剽始漕船临江滉顾僚吏曰天子蒙尘臣下之耻也乃自举一囊将佐争负之贞元元年加检校左仆射同中书门下平章事江淮转运使封郑国公以缮治石头城人颇言有窥望意虽帝亦惑之会李泌间关辨数帝意乃解

旧唐书懿宗本纪咸通三年广州乏食润州人陈磻石诣阙上书言江西湖南溯流运粮不济军师士卒食尽则散此宜深虑臣有奇计以馈南军天子召见磻石因奏臣弟听思曾任雷州刺史家人随海船至福建往来大船一只可致千石自福建装船不一月至广州得船数十艘便可致三万石至广府矣又引刘裕海路进军破卢循故事执政是之以磻石为盐铁巡官往扬子院专督海运于是康承训之军皆不阙供

墨庄漫录发运使淳化四年始建官焉六路转输于京师者至六百二十万石通泰楚海四州煮海之盐以供六路者三百二十余万石复运六路之钱以供中都者常不下五六十万贯淳化四年以内殿崇班杨允恭为都大管勾江南诸州纲船般运盐粮钱帛茶货当时殿直蔡崇道供奉官刘全信同管勾五年七月允恭授西京作坊使逐次添管职事乃立制置发运使额至干兴元年十二月文武官二员皇佑元年施昌言以天章阁待制充使自后多除两制都统六路年额上供米六百二十万石内四百八十五万

石赴阙一百三十五万石南京畿送纳淮南一百五十万石赴阙二十万石咸平尉氏五万石大康江南东路九十九万一千一百石七十四万五千一百石赴阙二十四万五千石赴拱州江南西路一百二十万八千九百石一百万八千九百石赴阙二十万石赴南京湖南六十五万石尽赴阙湖北三十五万石尽赴阙两浙一百五十五万石八十四万五千石赴阙四十万三千三百五十二石陈留二十五万一千六百四十八石雍丘

燕翼贻谋录皇朝初下江南置水路陆路发运二使运江南之粟以贍京师其后以陆路不便悉从水路雍熙四年四月己亥诏合水路陆路发运为一路以王继升掌之董俨为同掌自此迄于宣和不改

宋史西夏传至道二年春命洛苑使白守荣等护送刍粟四十万于灵州且令车重先后作三队丁夫持弓矢自卫士卒布方阵以护之遇敌则战可以无失复令会州观察使田绍斌率兵应援而守荣乃并为一运继迁邀击于浦洛河绍斌不救众溃运馈尽为继迁所得太宗闻之怒

张齐贤传齐贤曹州冤句人为江南西路转运副使冬改右补阙加正使齐贤至官询知江南诸州小民居官地者有地房钱吉州缘江地虽沦没犹纳勾栏地钱编木而浮居者名水场钱皆前代弊政齐贤悉论免之初李氏据有江南民户税钱三千已上者户出丁一人黥面自备器甲输官库出即给之日支粮二升名为义军既内附皆放归农至是言者以为此辈久在行伍不乐耕农乞遣使选充军伍并其家属送阙下齐贤上言江南义军例皆良民横遭黥配无所逃避克复之后便放归农久被皇风并皆乐业若逐户搜索不无惊扰法贵有常政尚清静前口既放营农不若且仍旧贯齐贤居使职勤究民弊务行宽大江左人思之不忘召还拜枢密直学士擢右谏议大夫签书枢密院事

李溥传溥河南人初为三司小吏阴狡多智数时天

下新定太宗励精政事尝论及财赋欲有所更革引三司吏二十七人对便殿问以职事溥询其目请退而条上命至中书列七十一事以闻四十四事即日行之余下三司议可否于是帝以溥等为能加合门祗候催运陕西粮草赴清远军还提举在京仓草口勾当北作坊江淮岁运米输京师旧止五百余万斛至溥乃增至六百万而诸路犹有余蓄高邮军新开湖水散漫多风涛溥令漕舟东下者还过泗州因载石输湖中积为长堤自是舟行无患累迁北作坊使时营建玉清昭应宫溥与丁谓相表里尽括东南巧匠遣诣京且多致奇木怪石以傅会帝意建安军铸玉皇圣祖溥典其事丁谓言溥蔬食者周岁而溥亦数奏祥应遂以为迎奉圣像都监领顺州刺史迁奖州团练使溥言漕舟旧以使臣若军大将人掌一纲多侵盗自溥并三纲为一以三人共主之使更相司察大中祥符九年初运米一百二十五万石纔失二百石会溥当代诏留再任特迁宫苑使既专且贪繇是寢为不法发运使黄震条其罪状以闻罢知潭州命御史鞠治得溥私役兵为姻家林特起第附官舟贩竹木奸赃十数事未论决会赦贬忠武军节度副使

卢之翰传之翰字维周祁州人太平兴国四年历太常博士为河东转运副使徙京西转运副使改工部员外郎建议导潞河合于淮达许州以便漕运以劳加户部员外郎又改陕西转运使至道初李顺乱蜀命兼西川安抚转运使贼平还任之翰尝荐李宪为大理丞宪坐赃抵死之翰当削三任左授国子博士领使如故寻复旧职会调发刍粮输灵州诏分三道护送命洛苑使白守荣马绍忠领其事之翰违旨擅并为一为李继迁邀击于浦洛河大失輜重诏国子博士王用和乘传逮捕系狱鞠问之翰坐除名贬许州司马明年起为工部员外郎同勾当陕西转运使真宗即位复吏部员外郎充转运使以久次召拜礼部郎中赐金紫复遣之任咸平元年以疾命国子博

士张志言代还未几复出为京西转运使三年授广南西路转运使会广州索湘卒就改太常少卿知州事之翰无廉称又与转运使凌策不协阴发其事五年徙知永州未行卒年五十七

仁宗本纪庆历三年六月甲辰诏诸路漕臣令所部官吏条茶盐矾及坑冶利害以闻

蒋堂传堂出为江南东路转运使徙淮南兼江南发运事时废发运使上封者屡以为非便堂言唐裴耀卿刘晏第五琦李巽裴休皆尝为江淮河南转运使不闻别置使名国朝卞襄王嗣宗刘师道亦止为转运兼领发运司事而岁输京师常足时虽用其议后卒复

王安石传安石为翰林学士设措置河北籴使司广积粮谷于临流以备馈运

卢知原传知原累迁江西转运副使先是纲运阻于重江吏卒口缘为奸知原悉意经理故先诸道上京师进一官

哲宗本纪元佑四年十一月辛卯改发运转运预妓乐宴会徒二年法

元佑八年五月辛卯监察御史董敦逸黄庆基以论苏轼苏辙罢为湖北福建转运判官

绍圣二年十一月戊戌范锴自转运使入对言有捕盗功乞赐章服帝曰捕盗常职也何足言功黜知寿州

徽宗本纪宣和六年十一月乙卯诸路漕臣坐上供钱物不足贬秩者二十二人

玉海绍兴八年十二月辛未参政李光请罢发运司令户部侍郎专领

干道六年三月己卯以户侍史正志为都大发运使宋史光宗本纪绍熙元年潼川转运判官王溉擢节漕计代输井户重额钱十六万缗诏奖之

绍熙三年春正月丁巳命夔路转运使通融漕计籴米备荒

咸淳二年二月戊寅诏免湖南漕司积年运上峡米

耗折逋直

咸淳三年秋七月甲午四川都统督万寿调统制赵宝杨立等率舟师护粮达渠城以功推赏

咸淳七年六月癸巳台臣劾朱善孙督纲运受赃四万五千诏特贷死配三千里禁锢不赦

金史粘葛奴申传奴申天兴元年授都招抚使佩金符召见乞往陈州运粮上从之

元史世祖本纪至元元年二月壬子发北京都元帅阿海所领军疏双塔漕渠

二十四年春正月辛卯命海道运粮万户张文虎等运粮十七万石分道以讨交趾十二月丁丑以朱清张瑄海漕有劳遥授宣慰司

搠思监传至元三年搠思监拜江浙行中书省参知政事国用所倚海运为重是岁搠思监被命督其役措置有方漕米三百余万石悉达京师无耗折者

顺帝本纪至正四年九月辛亥以南台治书侍御史秦从德为江浙行省参知政事提调海运

樊执敬传至正十年授江浙行省参知政事十二年二月督海运于平江十日将发官大宴犒于海口俄有客船自外至验其券信令入而不虞其为海寇也既入港即纵火鼓噪时变起仓猝军民扰乱贼竟焚舟劫粮以去

明外史方国珍传国珍黄岩人聚众数千人劫运艘梗海道元遣使招之数降数叛不可抚行省以闻于朝国珍使人浮海至京师赂诸权贵卒许降授徽州路治中令散其众之官国珍不听命拥船千艘攻陷台州焚苏之太仓元复以海道运粮万户府招之乃受官

蒲圻县志王俨字民望历官陕西右布政使总制王越属俨督饷区画刍粮摘发奸宄大宏政绩陟副都御史巡抚山东召为户部右侍郎摄太仓厘宿弊理漕政人多称之以忤逆奄刘瑾瑾矫诏谪戍辽东三万卫寻赦归致仕卒

兖州府志张景华字时美郟城人举正德甲戌进士

初授吉水知县入为监察御史累官至左都御史开
阡薊辽总督漕运所条上边防漕政皆关大计极力
主持期于得请时严嵩柄国缙绅贿赂辐辏其门景
华一无所馈严以双嫌问之报如其物严氏大恨讽
言官以蜚语中之景华罢归家居十余年足迹不入
城府卒后不数岁子孙至鬻田宅今祀学宫

登州府志洪武二十年封都督张赫为航海侯朱寿
为舳舻侯自是每年一行军食赖之

太仓州志洪武二十八年三月制谕都督朱信充总
兵官宣信充副总兵官率舟师运粮赴辽东海运大
小官军悉听节制

济南府志李纲字廷张长清人幼不与群儿狎读书
日记数千言常侍父州判琮入京狭道中失足坠辙
下车从纲身横过而不伤人皆异之天顺丁丑登进
士授山西道御史升太仆少卿转佥都御史出督漕
运未及二载运事毕举成化己亥以疾卒于官先平
江伯陈钺其下人多恃威横肆纲悉绳以法钺积不
平至是假以经纪后事入署检其篋笥惟图书敝衣
而已钺翻然曰真君子也具棺殓如礼为上章乞祭
葬许之

畿辅通志陈于陞字荅斋曲周人嘉靖己未进士历
官太常卿以忤张居正罢归居正败起右副都御史
寻以户部侍郎总督漕运却例金十三万不受升南
京户部尚书以奉表过里卒囊中俸余八金而已赐
葬赠宫保予荫

畿辅通志邢孔阳字公昭文安人万历丁丑进士授
行人晋户部主事督代州饷羨金万余司吏以献孔
阳峻却之以清擢郎中管通州漕储河道事时河决
不时岁委数十万于冯夷孔阳条议疏浚一劳永逸
运官回空银向多染指孔阳一铢不膩漕艘绝无逗
遛会陕西灾司农欲移京粟万石余由漕运达河南
更陆运以给之孔阳上书司农曰移粟之役是以三
十锺而致一石有害于豫无济于秦何若驰一吏余
粟关内京粟航至中州出棗以其镗补关内借支之

数是万夫不胜者一吏代之足矣司农从其议有豪家木商由运河泛木簰大为运害孔阳梩之豪将中伤焉因拂衣去屡荐不起

漕使部杂录

石林燕语唐制盐铁转运使以掌山泽之入与督漕挽之事中世用兵因以宰相领其职干符后改置租庸使以总之

菽园杂录永乐间平江伯陈公瑄把总海运粮储共一百万石时未有总兵之名十三年里河漕运加至五百万石统各处一百七十余卫后以湖广浙江河南山东各都司所属茶陵临山彰德济南等卫地远省之每上运四百万石洪熙元年始充总兵官督运镇守淮安此设总兵之始也宣德四年同工部尚书黄福计议于徐州等处立仓令官军接运六年挂漕运之印八年公薨以都督佥事王瑜都指挥佥事吴亮充左右副总兵同管正统四年专以马兴充总兵汤节充参将此设参将之始也景泰二年设左佥都御史王竑同管此文臣总督漕运之始也